


# MWOMWOIKA ULI

## NAKUTETELA? HANJIKA!

 Ou Mwata amikisule! Echa tutwalileho kwimana chindende, shimbu natungongama mitwe yetu. Kuliko kutonda chimwe chakulimanyina? Kachi ove uli nacho, echa chinjikize kuli ove ha kuzundula mavoko enu kuli Kalunga kaha kuhanjika, hali chize, “Mwata, Ove unatachikiza kutonda chami.”

<sup>2</sup> Tata wa Mwilu, etu muchano vene—tuvathu vakutokwa chimene chino, kupwa vakukunguluka muli ino zuvo ya Kalunga, omwo etu tunatachikiza nge kuli vavavulu vanatondo kupwa muno muzuvo ya Kalunga chimene chino, kaha muvipatela na ha tuhela twa misongo. Kaha Ove unatuhane eli lisesa lya kupwa kuno lelo. Kaha etu katwejile, Mwata, mangana tulimone umwe na mukwavo, chipwe etu twazanga kulikata chetu chaumwe na mukwavo; oloze etu tunahase kulinga ngachize kuma zuvo etu. Oloze etu tuneza hano na kulikata na Ikiye Ou natunehe hamwe nge vana vakuzanga na muundumbwetu.

<sup>3</sup> Etu twakusakwilila Ove jino. Kaha jila kaha etu tunatachikiza kanawa kulikatana Ove mu Lizu Lyove. Lizu Lyove linapu Muchano. Etu hamwe hano kutambula ngolo ja mushipilitu. Etu twatondo echi, Mwata. Etu twatela kupwa na ngolo jakuhasa kumbata eyi kulusu. Kaha etu twalombo nge Ove muya nakutuma uze Shipilitu Wajila wamunene lelo, kaha mwaya na kuzamisa etu vosena. Hana kutonda cha vathu Jove nge omu vakiko vanakunguluka na kuzundula mavoko avo kuli Ove, nge vakiko vali nakutonda vyuma kana. Kumbulula muthu wosena, Mwata.

<sup>4</sup> Etu twasakwilila Ove hakulama chiyoyelo cha Ndumbwetu wapwevo Ungreen ufuku unahichi, mu ponde ya mujila hano. Ove wapwile wamwaza kuli vakiko, Mwata, kaha etu twasakwilila Ove hali chize. Kaha jino etu twalombo, Tata wa Mwilu, nge Ove muya nakutwalilaho kupwa naetu na kukafwa etu shimbu tuli nakutambuka muli ou mushipili, umwe kaha umwe waetu vosena. Tuhane etu ngolo Jove jajinene na—na lufwelelo lwakutachikiza nge Kupwa Chove chakuzeneka kuhona najiya nakupwa na etu. Mu ola kana ize etu katweshi kuhasa kulikafwa etu vavavene, etu tunatachiza “Vangelo ja Kalunga vasingilika vaze vamwivwa woma Ikiye, kaha Vakiko navaya nakutumbata etu kala lwola etu natulyata lihinji kulilolwa.” Kaha etu twalombo jino nge Ove uyenga nakutuhana

kukisula Chove hali eli Lizu, na kuhanjika kuhichila muli etu, kaha muli etu, mu Lijina Iya Yesu Kulishitu. Amena.

<sup>5</sup> Ngunasakwilila nge kumunyika chakuweluka, kumunyika cha musana, chili nakumunyika. Echi chili vene chimene chachipi. Kaha Ngwashinganyeka, muli lino lifuchi, chikumanyi, etu tuli milima, kaha kwakokolo. Kaha kumona musana kumunyika, kulovoka, echi chili chamwaza.

<sup>6</sup> Echi chisaka chachindende kulinunga lelo, Nguliwane na vandumbu vamaalunga, kaha vakiko vali kuze kuzuvo ya ndumbwami wapwevo, kaha vausoko vamwe muno mu mbongi. Kuli lizavu lyalinene Iya vaka Branham. Kachi vakiko navaze hamwe kufuma ku Kentucky, muno, Ngunashinganyeka etu natuya nakuzalisa ino mbongi; muvali vavavulu muno. Oloze chindende kwiza kaha kwimbo. Etu twapwile nakuliwana tuvoseni kuzuvo ya mama, kaha ikiye apwilenga shina yakutuwanyisa etu voseni hamwe, nge ngachize. Oloze Kalunga ambata ize shina nakuyitwala Mwilu, kaha Ngwatalilila nge etu natuya voseni nakuliwana likumbi limwe.

<sup>7</sup> Kaha jino Ngwahanjikile likumbi likwavo, Ngwambile ngwami, “Munatachikiza, Ngwafwelela nge Nanguya—nanguya nakuvatula mijimbu yami ya Chalumingo nakuyiheha pamo ha twende minyutu, kaha—kaha, mokomoko seti, kaha jino kulombelela vakakuviza.” Kaha Ngwashinganyekelele chize chimene chino.

<sup>8</sup> Kaha Ngwashinganyekanga ha ufuku unahichi, omwo Ndumbu wapwevo Downing angusanyikanga kaha ahanjikanga chize, asanyikile Billy kaha ambile ngwenyi nge ikiye na Ndumbu wapwevo Ungreen mujila yavo yakuya, vasenunukanga nakufuma mujila kaha va va holokanga. Kaha shimbu Billy apwanga hanga ali ha janena, hazevene, Ngunahono kutachikiza lwola muka lwapwanga; pamo chimene chino, lwolalumwe. Ngunapunga wa kusavala chindende chindende. Ngwatalile hamavu kuli Ndumbu walunga Woods, malati apwile akujima. Kaha Ngwafukamine nakulomba, kaha omwo Ngwalingile, Chumachimwe chahanjikile kuli yami, “Echi chili chakwoloka.” Shikaho jino Ngwamulwekele Billy, “Mulweke, ‘Vyuma vyoseni,’ Ngwashinganyeka, ‘naviya nakupwa kanawa.’” Ngunawahilila kumona vakiko mu chimene chino, kaha kutwama muzuvo ya Mwata, kuno cheka hanyima ya kufuma mujila.

<sup>9</sup> A vathu vakuzanga ove chikuma, kwiza nakutambuka handulendi milosi kwiza nakwivwa Mujimbu wamwaza, jino Ngwashinganyekanga, “Mujimbu wa minyutu ya twende, kaha kuuya chindennde nge omu Ngunahashila, vakiko kaveshi kupwa kanawako.” Shikaho Ngwashinganyeka Nanguya nakupwa kaha . . . kushimbulako.

<sup>10</sup> Shikaho jino, ivwa Ndumbu walunga Ungren, mwaneyi walunga, chimene chino, kwimba, “Omwo Ove Wapwa Wamunene.” Ikiye ali. . . Ikiye nalumbununa mwamuvulu chimene chino kuhambakana zau namusana, mwomwo Kalunga wamunene wa Mwilu nalame wenyi wakuzanga, naye wamwaza na ndumbwenyi.

<sup>11</sup> Jino, lelo, etu tuli nakuvandamina lwola lwalunene muli Mwata. Kaha Ngwapwanga na kutanga chivali mokomoko chitatu hano Ngwapwanga nakutalatala, kaha Ngwahonanga, kuhona kutachikiza umwe ulihi Nanguya nakuhanjikaho chimene chino. Umwe wapwanga, “Mbila kuzakama chove kuli Ikiye, mwomwo Ikiye mukakukuzamina. Jino, kachi Ikiye mukakukuzakamina, mwomwoika ove muhona?”

<sup>12</sup> Shikaho jino umwe ukwavo, Billy Paul, mokomoko keshi Billy Paul ko. . . Mwanami walunga mukwavo, Joseph, angunehelanga echi kutangisa kunyima chikuma. Ikiye apwanga natwame mu kapeta likumbi limwe, kaha ikiye ambile ngwenyi, kutala haze ha chifwanyisa, kaha Billy. . . Mokomoko, Joseph azanga jimbuti, nge kanyike walunga; mato na vimbulu, munatachikiza. Kaha ikiye ambile kuli yami ngwenyi, “Tata, kumana na Yesu atwama na wato?”

Kaha Ngwambile ngwami, “Kangwejivako.”

<sup>13</sup> Shikaho jino hanyima ikiye ahindukile na kulovoka, Ngwaputukile kushinganyeka, “Ikiye Atwama na wato?” Kaha Ngwambachile kutangisa kufuma hali chize, kaha ngwachisonekele haze ha muaknda wami, “Kumana Yesu akwachi wato?” Kaha Ngwashinganyekele hali chize, “Omwo Ikiye apwile hano ha mavu, Ikiye alevanyine na lijimo lya kusemukilamo, na lifuku lya kumufujilamo, wato wakunangwilamo, oloze Ikiye apwilenga Mukakuvuwa mbopolo ya mwaka ya Jiyone.” Punduvene, Ikiye mukiko apwilenga. Oloze, kutangisa chasone chize Ngwapwanga nakushinganyeka, kushinganyeka pamo Ngunahase kapwa navyo lwola lweka, shimbu etu natuseza nakuya kunyima.

<sup>14</sup> Munatachikiza, Ngwatondo kuhanjika kufuma mu mbalaka hano, mwomwo linapu liuka lyetu. Etu tuli nakwivwa kukasunuka ha kuhanjika kala chosena Shipilitu Wajila mwahanjika. Havihela vikwavo, chipwethuhu uze lunga natondo yami kumilingisa kupwa vakutambwila, ove mwivwa nge chindende wakukashiwa mwomwo uli—uli mumujimba umwe weka wa liuka, kaha ove watondo kupwa lunga wautongwe wakutela kulemesa vishinganyeka vyavo—vyavo na kunangula chavo.

<sup>15</sup> Twapwanga na lwola lwamwaza mumulungu kana kuze kuli Ndumbu walunga Burcham. Kaha Ngwayile mu kambanyi yakutungila cheese. Ngwamumwene ikiye na pwevo lyenyi, na mwanavo walunga navakiko, valimuno chimene chino. Kaha

lwola lwosena ngwashingnyekele nge kambanyi ya cheese yapwa chumachimwe nge vihela vikwavo vize Ngwayako lyehi, mamalelo, kwakushikumuka kaha kwamajilo. Yami, Ngunahase kuhanjika chuma chimwe, ove unahase kupwa wakukunyuka nge chihela kacheshi cha majiloko. Chize chikiko chihela chitoma chize Kanda lyehi nguyengako, kaha chikumanyi mu kambanyi. Kaha Ngwahonene kutachikiza. Ngwashinganyekele, “Mamalelo, pamo vakiko navaya nakupwa na handulendi paundi ya cheese ha likumbi limwe.” Kaha vakiko vatungile sikisi tons ha likumbi, kaha jikambanyi jitatu kuya. Ngwashinganyekele, “Mamaah, yami, hiya eji kulyanga awa macheese osena?”

<sup>16</sup> Oloze Mwata nakisula ou lunga. Ngwapwile na lisesa lya kupwa kwimbo lyenyi, limbo limwe lyamwaza, na pwevo wakulihana wamwaza. Kaha kakweshi numba mulonga mwomwoika vakiko navahonene kwitavila Kulishitu halikumbi hakumbi, nge omu vali nakulinga. Kuliwana na vanavavo va malunga, kaha vakiko vali vana vambwende. Etu tuli vakuwahilila hali echi kulikata echi tuli nacho na umwe namukwavo.

<sup>17</sup> Kuhulishisa apwile pashita yavo na—na lunga Ngwatachikiza, Ndumbu walunga Gurley, lunga umwe wamwaza waku United Pendekosital Faith, uze Ngwaliwanyine nenyi myaka oyo ku, Jonesboro, Arkansas. Kaha katachikijileko nge vakiko . . . nge apwile pashita yenyi, chipwethuhu.

<sup>18</sup> Jino anukenu kutanga cha chingoloshi. Kaha jino, nge Mwata mwetavila, Chalumingo nachizaho cheka etu twashinganyeka nge twatela kuhanjika. Kaha jino Ngwashinganyeka Chalumingo nachikavangizaho Ngwatela kuya ku Chicago. Kahajino Nanguya chindende, Ngwatela kumbata chisaka nakukindulwisa kwimbo, kukinduluka, kukinduluka ku Arizona mangana, vana, vakengile mu mashikola cheka. Kaha jino etu natwecha kumushupa pashita, kumbata kutangisa chenyi.

<sup>19</sup> Shikaho, shikaho etu tuli vakusakwilila Ndumbu walunga Neville ha kututambwila, munatachikiza, cha—cha kungusanyika yami. Kaha ikiye ali ngocho, nduma . . . Ngwazange, ndumbu walunga, lunga uze ngwazanga, muze kamweshi likuliko, kamweshi lwisoko, muli kaha Ukulishitu wa mwenemwene. Ngwazanga chize.

<sup>20</sup> Jino etu natuya nakutanga Chisoneka chimwe kaha jino kuhanjikaho. Kaha Ngunahono kutachikiza lwola muka luze etu natuya nakulovoka, hali eyi mijimbu Yayisuku, oloze Ngwashinganyeka . . . Ngwapwile nakuhanjika likumbi likwavo ha kuhanjika nakushimbula, kaha muthuumwe ambile ngwenyi, “Chamwaza, jino, kachi ove—kachi ove wahanjikile kaha ha minyutu yayindende; kaha ove weji kuhanjikanga nge

mumangana akuswamana, nge ngocho,” “Etu—etu katweshi kevwushisako.” Ambile ngwenyi, “Twalilaho kuhanjika, kaha hanyima shimbu kulovoka,” mukiko ahanjikile. Shikaho pamo Mwata natondo etu kulinga echi mujila kana.

Echa tunongamenu cheka.

<sup>21</sup> Mwata, Lizu Lyove lyasokoloka hano hakamenga, kaha kutachikiza nge likumbi limwe Naliya nakupwa lya kusoka ha lwola Lwacho, kahajino eli Lizu nalikaya nakupwa musonyi. Kaha jino etu tuli—etu tuli vakusakwilila ha lwola kana chimene chino. Kaha tusokolole, ha Shipilitu Yove Wajila, kuzalilila cha Lizu eli natuya nakutanga. Echa ou Shipilitu Wajila atunangule etu lelo vyuma etu twatela kutachikiza. Kaha echa etu jino, mukukindulwisa, ivwulilenu kanawa kuli eli Lizu, lipezelesenu Kanawa. Kaha jino echa vaze vali nakwivwulila mujila ya jitepu, echa vakiko wevulile kanawa. Kaha echa etu tupwenga vakutwata chuma muka Shipilitu Wajila ali nakweseka kusolola kuli etu. Mwomwo etu tunatachikiza, kachi Ikiye mwawavisa etu, kahajino kuwavisa chili mwamokomoko. Chili hali eyi pungu, mangana pamo chizate kuwaha, kuli Mwata. Kaha echa michima yetu na kwivwushisa chipwenga chakusokoloka, Mwata.

<sup>22</sup> Echa etu tupwenga na kuhanjika chakukasunuka, na kwivwa cha kukasunuka, kaha vakutela ku lufwelelo, kufwelela vyuma etu tunevwi, nge vyakufuma ku Lizu lya Kalunga; kachi chipwenga chakutela kuli etu, Kuyoya cha Hayamyaka, mulize Likumbi lya linene lize lili nakwiza. Kisula etu lelo. Tupaise omwo etu tuhanenge. Echa etu tutachikize kuhengesa etu tuli nacho. Kaha tukisule mujila ize ili yakwoloka, mangana tutachikize jila muka ya kuya, kaha omu twatela kulinga muno mu kaye; mangana pamo kuneha kavumbi, muno etu tuli nakuyoyela, kuli Yesu Kulishitu, Uze afwile nakutuhana Kuyoya muze wamunene kufuma hano. Etu twalombo echi mu Lijina lya Yesu. Amena.

<sup>23</sup> Jino Ngwatondo kutanga kufuma muvihela vivali kufuma mu Visoneka, chimene chino. Kaha umwe wavo uli kaha mu Mukanda wa Kulovoka. Hatomato, vyose vivali vyakufuma mu Mukanda wa Kulovoka. Umwe mu kapetulu 13, kaha vasi 21 na 22. Kaha kutanga chikwvo chili mu kapetulu 14, na 10, 11 na 12 jivasi. Jino Nanguya nakutanga kufuma mu Kulovoka 13:21.

*Kaha YEHOVA avatwaminyinyingako hamusana mupanda yalivwi, nakuvatwala mujila; kaha nauufuku. . . mupanda yakakahya, nakuwamunyikila; mangana vahase kutambuka namusana na ufuku:*

*Panda ya livwi hamusana na panda yakukakahya haufuku kayafumine kumeso a vathuko.*

<sup>24</sup> Jino mu Kulovoka 14, kaha ha vasi 10:

*Kaha omu apandamine Fwalo kwakamwihi, vana va Isalele vandwile meso avo, kaha, kumana, va Ejipitu vapwile nakwiza na kuvakavangiza; kaha verwile woma mateli: kaha vana va Isalele vatetele kuli YEHOVA.*

*Kaha jino vambile . . .kuli Mose ngwavo, Mwomwo . . . (ngukonekelenu).*

*Kaha vakiko vahanjikile kuli Mose, Mwomwo ku Ejipitu, ka kwapwile vimbumbeko, shikaho unatufumisamo tufwile mupambo tahi? ikaze una tulingila ngocho, nakutulovola mu Ejipitu?*

*Lyeli vene lizu twahanjikile kuli ove mu Ejipitu, ngwetu, Tweche, twazachilenga va Ejipitu? Kuvazachila va Ejipitu, kachi chawahililile kuhambakana kufwa mupambo.*

25 Nanguya nakutanga jivesi jajivulu:

*Kaha Mose ambile kuli vathu ngwenyi, Kanda mwivwa woma . . .keshi, . . .*

*Jino ivwulilenu kanawa hano.*

*. . .Mose ahanjikile kuli vathu, Kanda mwivwa Woma ko, imanenu thuhu kulu, mutale ulwilo wa YEHOVA, ou vene . . .mwamizachila lelo: mwomwo va Ejipitu ava munamono lelo, kamweshi kavamona chekako hayamyaka yosena.*

*Ou YEHOVA mwamyashila jita, kaha enu namuliholela kulu . . .ou YEHOVA ambile kuli Mose ngwenyi, Uli nakutetela ika kuli ami? hanjika kuli vana va Isalele ngwove, vaye kulutwe:*

*Oloze zundulove mukombo wove, olola livoko lyove helu lya kalungalwiji, umuhandunune: kaha vana va Isalele navahichila mukachi kakalungalwiji hamavu aumu.*

*Kaha Ami, tala, Nangukakamisa muchima yava Ejipitu, ngocho navava kavangizamo: kaha Nanguliwanyina ulemu hali Fwalo, na hajita yenyi yosena, na hamatamba eyi osena, na hali vakatuvalu twenyi.*

*Kaha va Ejipitu navangutachikiza Ami yami YEHOVA, omu Nangukalinga ngunaliwanyina lyehi ulemu hali Fwalo, naha matembenyi, nahali vakatuvalu twenyi.*

*Kaha kangelo ka Kalunga, uze atambukilenga kulutwe lwalize lizavu lya va Isalele, afumineko, ayile munyima yavo; kaha na panda ya livwi nawa yafumine . . .kulutwe lwavo, yemanyine munyima yavo:*

*Kaha yayile hakachi kalizavu lya va Ejipitu na lizavu lya va Isalele; . . .kwapwile na livwi na milima, oloze*

*lya munyikile na ufuku: ngocho ufuku wosena kavali wanyineko.*

Mose olwele livoko lyenyi helu lya kalungalwiji; kaha YEHOVA asolwele kalungalwiji na nyamanganda wakufuma kumusamuko ufuku wosena, alingishile ha kalungalwiji kupwa hamavu akuma, kaha meya alihandunwine.

*Kaha vana va Isalele vengilile mukachi ka kalungalwiji ha mavu akuma: kaha meya apwile nge mbango kuli vakiko kulivoko lyavo, lyachilyo na lyeli lya chimoswe.*

*Kaha va Ejipitu vavakavangijile, kaha vengilile muze mukachi ka kalungalwiji, munyima yavo natuvalu twafwalo wosena, na matembaeyi, na vakatuvalu.*

*Kaha chasolokele mukuku lya kucha, YEHOVA atalilile nakushikumuka jita yava Ejipitu mupanda ya kakahya na . . . livwi, kaha ayanjishile lizavu lya va Ejipitu,*

*Kaha afumishile mafumbo amatemba, vamwene kukaluhwa kuwatambukisa: ngocho va Ejipitu va lyambile ngwavo, Tuchinenu kumeso ava Isalele; mwomwo YEHOVA ali nakuvashile jita nava Ejipitu.*

<sup>26</sup> Eli Lizu lya Mwata lili lyalinene, chikuma, kakweshi jila yekako yakwimana kuhona kutanga Echi. Echi chinapu Chiyoyelo, ngeomu etu tuli nakutanga Eli. Ngwashinyekanga, muchimene chino, chipwe uli lyehi wakuhaka ha tepu, Ngwatondo kuhanjika echi hakuputuka, echi chinawane, Ngunawane amilyavene. Kaha muloonga uze Nguli. . . Zau, shimbu mu kutanga, kaha Nangwiza hali ou mujimbu, kaha jino Ngwashinganyeka, “Nguli kaha nakuya, kachi Mwata netavila, kuhanjika hali chize, mwomwo echi cheji kungushikumuna hamavu.” Kaha Ngunafwelela echi nachimitaka nakumishikumuna, nge etu tunamono, kaha mwomwo kutulingisa kutala helu; kaha kutanga chindende, mu kupezelesa likumbi lize lyapwile jino, mu. . . mulikumbi lize lili jino.

<sup>27</sup> Ngwatondo kumbata mazu atatu kupwa kutanga, kaha lili: *Mwomwoika Uli Nakutetela? Hanjika!* Kalunga ambile ngwenyi kuli Mose, hano mu vasi 15, “Mwomwoika nautetela kuli Yami? Hanjika kuli vathu, nge vakiko vayenga kulutwe.” Kaha: *Mwomwoika uli Nakutetela? Hanjika!*

<sup>28</sup> Jino, etu tukwechi mutwe wachihande, kaha Nakuya na kweseka kuzangula kuhita washi washi nge natuhasa, nge omu Shipilitu Wajila mwatwaminyina. Kaha Ngwatondo kushinganyeka hali. . . hali ou mutwe wachihande, wa Mose kutete kuli Kalunga, mulwola lwa ukalu; kaha Kalunga kutenukila Mose munyima, hazevene omwo ukalu wapwile mu—mu ngonde. Kaha echi chinapu chisemwa, kusoloka nge, hali

muthu apwile nakutete. Kaha jino chumamuka a—a tenukilile hali Kalunga kwalumuka na kutenukila ikiye ha kuhanjika hali chize, ha kulilila hali Ikiye. Echi chinasoloka nge chili chuma chachikalu.

<sup>29</sup> Lwola lwaluvulu omwo etu natukala ha Visoneka, mu jila yavo vavene kutala, chasoloka kupwa chachikalu. Oloze kachi etu natutanga Echi shimbu yayindende, etu natumuwana nge wamangana Kalunga atachikiza chumamuka Ikiye alinakulinga. Kaha Ikiye atachikiza omu mwakulinga ha vyuma kana mwakulingila na muthu. Ikiye atachikiza chuma muka chili muli muthu. Ikiye—Ikiye amutachikiza ikiye. Etu katweshi. Etu tunatachikiza kufuma kusali ya kutanga. Ikiye atachikiza chuma muka chili muli muthu.

<sup>30</sup> Mose asemukile muno mukaye, na kupwa wana wamwana walunga. Ikiye asemukile kupwa kapolofweto, mukakulwila. Ikiye asemukile wa kuvwika muli ikiye, nge kala muthu mweza muno mukaye asemuka wakukwika lyehi, nge omu Ngwafwelela mu—mu kutachikizaho lyehi cha Kalunga, mu kutongola.

<sup>31</sup> “Keshi nge Kalunga nazange nge kala muthu akanongeko, oloze vosena vezenga nakwalumuka nakupihilila.” Oloze, hakupwa Kalunga, Ikiye atelele kutachikiza, kaha atachikiza, “makumishilo kufuma kukuputuka.” Talenu? Kachi Ikiye katachikizako, kahajino Ikiye keshi kuhasa wakutachikiza maputukilo na makumishilo; kaha kachi Ikiye keshi napu makuputukilo kaha atachikiza makumishilo, Ikiye keshi kupwa Kalunga. Shikaho Ikiye keshi nge kazangile, punduvene, nge kala muthu akanongeko, oloze Ikiye—Ikiye kutachikiza hiya mwakaya nakunonga kaga hiya mwakahona kuya nakunonga. Ou ukiko mulonga, ikiko punga ejilile Yesu ku kumavu, apwile nakulwila vase Kalunga, kuhichila mukutachikiza Chenyi, kumona nge atondele kusalwila, talenu, mwomwo kaye kosena vakapaishile. Kaha Kangwamona omu etu tunahase kunangula echi mukala jila kuhambakana kutachikiza cha Kalunga, kaha Mbimbiliya yahanjika hatoma nge Ikiye atachikiza makumishilo kufuma kumaputukilo, kaha nakuchambulula.

<sup>32</sup> Shikaho, omwo kala—kala muthu kweseka kupwa chumachimwe vakiko kaveshiko, vakiko vali kaha nakufwanyisako, kaha linwaha mokomoko chiku nachiya nakuwana. Shili jove jinakuwane ove lyavene. Ove kaweshi kuhasa kuvavuva. Kuli kaha kufwika chimwe ha shili, chinapu Manyinga a Yesu Kulishitu, kaha Echi kacheshi kuhasa kuzachiwako kuvanga Kalunga nasanyika enu kufuma mu chikuku chakaye. Ou ukiko mulonga Manyinga amwangelile; keshi kuwalyachangilako, na kuhema nawoko, kaha—kaha kuwalumuna, na—na kuwahanjika mwamupi, kaha—kaha na vya ngocho. Echi chapwilenga punga ivene. Echi chakwoloka. Keshi kuhema nawoko, keshi kulifwanyisa nawoko, ha kuhanjika nge jishili jili jakufwika ohonyi kajechei jakufwikako.



Kaha na muthu umwe nahase kupwa na shili jenyi kupwa jakufwika kuvangila lijina valihaka mu Mukanda wa Mukoko wa Kuyoya shimbu chikuku chakaye kanda. Yesu ngwenyi, Lyavene, “Naumwe nahase kwiza kuli Yami wauchi kuvangila Tata Yami namukoko. Kaha vosena Tata ali navo,” kuyima, “anguhana Yami, navakeza kuli Yami.” Echi chakwoloka. Shikaho ove kaweshi kulingisa Lizu kulyongako. Vakiko valiko kwimanyina Muchano na kwolola.

<sup>33</sup> Kaha Mose asemukile kupwa wana wa lufwelelo; lufwelelo lwalunene Mose apwile. Etu twamono echi, hanyima chindende, kulovoka muli ikiye. Kaha ikiye apwile wakusemuka mu chisaka chachinene, nge etu tunatachikiza nge ise na naye, kaha kwiza kufuma muchisaka cha Levi. Napu, mujimbu uli hano, kunyima kuli echi, mu Mukanda wa—wa Kulovoka, shikaho eji kuhana kanawa chiyoyelo cha ou chindume. Kaha ikiye apwile uze umwe wa—wa chindume wa mu Mbimbiliya, mwomwo apwile henyi henyi wakufwana Mwata Yesu.

<sup>34</sup> Ikiye apwile wakusemuka mujila yakusehewa, nge muze mwa Mwata Yesu. Ikiye apwile wakusemuka mulwola lwa kuyanjisa, nge muze mwa Mwata Yesu. Ikiye apwile wakusemuka kupwa mukakulwila, nge Mwata Yesu. Ikiye vamuswekele kuli visemi jenyi, kufuma kuli va kakole, nge muze mwa Mwata Yesu. Kaha ikiye ejile mulwola lwa kuzata, nge muze mwa Mwata Yesu. Ikiye apwile twamina, nge muze mwa Mwata Yesu. Ikiye apwile kapolofweto, nge Mwata Yesu. Kaha ikiye apwile mukakuhana shimbi, nge muze apwile mwa Mwata Yesu.

<sup>35</sup> Kaha etu tunawane nge ikiye afwile ha Lilolwa, kaha ikiye atela kusanguka cheka na vyuma vyosena, mwomwo, myaka eyiti handulendi kufuma haze ikiye emanyine ha Pili Yakwalumuka, kuhanjika na Mwata Yesu. Talenu? Vangelo vamutulikile ikiye kumwe. Naumwe pimbi atachikiza okwo ikiye vamufunjilile. Chipwe thuhu liyavolo katachikizako. Kuhanjika hatoma, Kangwafwelela ikiye nge vamufunjile. Ngwa—Ngwafwelela nge Kalunga amutulika kumwe, kaha—kaha ikiye afwile ha Lilolwa lize ikiye lyamukavangijile makumbi osena mu chiyoyelo chenyi.

<sup>36</sup> Kaha ikiye apwile muyachi wakukupuka wa Kulishitu. Ikiye apwile mwangana hali vathu. Ikiye apwile mukakuhana jishimbi. Ikiye apwile nge—ikiye apwile nge—nge mukakuzamikisa vathu. Ikiye apwile vyuma vyosena, mu—mu muyachi, uze Kulishitu apwilenga.

<sup>37</sup> Jino, jino, talenu ikiye asemukile na wana waunene na chuma chimwe naikiye, kahajino chize chambachile Chumachimwe cha kuhita, nakuneha chize chumakana ku Kuyoya.

38 Talenu, ize mbuto ya Kalunga vayihakile muli etu kufuma ku chikuku cha kaye. Kaha omwo chize Kumunyika chatete chamuyikile hali ize mbuto, Chanehele Kuyoya, oloze chize Kumunyika chatete chatela kwiza hali mbuto.

39 Nge omu Ngweji kunangulanga lwola lwosena hali uze pwevo wamundende haze ha lishima, museteko yenyi. Chipwe ikiye mwapwa wa—muthu wakuhanjika mwamupi, chipwe ikiye—ikiye chiyoyelo chapwile chakukuminamo, kaha ikiye apwile muli ize seteko mwomwo vize visemwa kavwamukwachileko, oloze, chipwe, omwo chize Kumunyika chatete kumukwata ikiye, washi washi ikiye atachikijile Chize, mwomwo kuli chumachimwe kuze chatela kwitavila Chize. “Omwo mwambe nausanyika Mwambe,” kwatela kupwa Mwambe kumwe watela kwitavila chize kusanyika.

40 Kaha Mose hano asemukile kupwa kapolofweto, oloze ikiye vamukulishile mujila ya kutanga cha shikola kaha munganda ya Fwalo. Uze Fwalo Seti, nge ikiye apwile wakukulisa mwishi kana, apwile muthu uze apwilenga lika na kavumbi, kaha afwelelele Yosefwa kupwa kapolofweto ka Yehova. Oloze kwejile Rameses hanyima ya Seti, na Rameses kazakamine Yosefwa ko. Kaha shikaho, shikangaho, haze hakiko haputukile ukalu, jino, omwo kwakatukile Fwalo uze ahonene kutachikiza Yosefwa.

41 Oloze evi vilinga vyavinene, echa tuhanjike hali evi chindende, kaha, shimbu kanda etu tuhete kuhanda cha kutanga. Nguli na jila yayipi ya kutungilamo echi kutangisa, kahajino kutunga echi, kaha Mwata atukafweko etu chimene chino shimbu natutunga.

42 Mose, kupwa wakusemuka na wana wa lufwelelo. Kahajino, ikiye apwile wakuwvisa kaha wakutuma kufuma kuchiputa chakuwema, kuya nakusokola vathu ja Kalunga. Jino, kumona vilinga vyavinene ou muthu apwilenga navyo! Ikiye asemukilile chumachimwe. Kalunga apwile na punga muli echi.

43 Kalunga atwama na punga hali ove kupwa hano. Talenu? Kachi enu namupwa kaha, yenu kuchize chihela, ukalu muka ove nauhasa kuzachila Kalunga na ove lyavene, nawa.

44 Mose asemukile, kaha jino ikiye apwile, hanyima yachize, ikiye vamunehele ku—ku chihela kuze ikiye apwile wakuwvisa. Kaha, tachikizenu, ize mbuto kusavala muze na kwivushisa cha kutanga, na lufwelelo lwosena luze ikiye asemukile kupwa mukakusokoa vathu, kaha chize kachejile mu Kuyoya ko palanga nomu Kumunyika kufuma ku chiputa chakuwema chamunyikile; palanga ikiye achimwene, keshi chumachimwe ikiye atangileko, oloze chumachimwe ikiye amwene na meso eyi; Chumachimwe chize ahanjikile kuli ikiye, kaha ikiye ahajikile cheka kuli Chize. Mamalelo, omu chize chanehele chuma kana ku Kuyoya!

<sup>45</sup> Ngwashinganyeka kala muthu na...mokomoko pwevo, kanyike walunga mokomoko wa pwevo. Kaha Ngwashinganyeka, mu kwivwushisa cha kutanga cha omu vakiko vanashinganyeka ha Lizu, kaha na vyangocho, kapwile na chikuku chakuzalilila palnga vakiko valiwanyine na chize Kumunyika chize chanehele lize Lizu kupwa chuma chamwenemwene.

<sup>46</sup> Ngwashinganyeka kakwechi liuka mukulongesa chalyo, chipwethuhu mukakutanga ngachilihi kaha chachikuku ngachilihi, eli liuka kalyeshi kuhasa kuya kulutweko kuvangila ha Ngolo jaukalunga jinasoloka hali vathu, kaha vakiko navachimona chize. Chumachimwe chize vakiko vanahase kuhajikaho, chize chinahase kuhanjika cheka kuli vakiko, chize chinakwinjikiza echi kupwa Lizu lya kusoneka.

<sup>47</sup> Jino anuka, omwo Mose aliwanyine na chiputa chakuwema, lize Lizu valinjikijile vene. Lyapwile Lizu. Mose kalizakamineko, “Nge eli Lizu linapu chuma muka? Nge echi Chinakulinga ika hano?” Mwomwo, Kalunga nasoneka lyehi ha Chisoneka, mu Kuputuka, chize, “Vathu jove navakatambuka nakuya mulifuchi lya ungeji, oloze vakiko navakavakindulwisa cheka hanyima ya myaka fwo handulendi, navakaya nakukinduluka muno mulifuchi cheka, ha—ha upapwoke wa Amole kanda uzalishiwe.” Jino, handulendi na handulendi ya myaka shimbu kanda, Kalunga ahanjikile nge va Isalele navakaya nakutambuka kaha nakuvayanjisa mulifuchi lya ungeji, kaha navakatwama kuze mu myaka fwo handulendi. Oloze Kalunga, na livoko lyenyi lya undume, mwakaya nakuvafumisamo. Shikaho, mwamono, na chiputa chakuwema . . .

<sup>48</sup> Mose atachikijile chize, mukutanga cha shikola. Kaha ize mbuto ize ya semukile muli ikiye, yapwile yakusavala mumuchima wenyi. Kaha ikiye esekele, kuhichila mukutachikiza chakutanga kupezelesa na Lizu, kweseka ku—ku—kuvalovolamo, kuvasokola, mwomwo ikiye atachikijile nge asemukilile punga kana. Ikiye atachikijile nge, luze hilwola. Vize Visoneka vyosena vyahanjika nge vakiko vali lyehi na myaka fwo handulendi.

<sup>49</sup> Nge omu tunatachikiza jino, nge omu muthu umwe anguhulile yami hanyima chindende, ha Kwiza na ha Kuhukula. Etu tunatachikiza. Etu twahambakana lwola, ha lwola lwa Kuhukula lunahete lyehi, kaha etu tuli nakutalilila lufwelelo lwa kuhukula luze lunahase kukoka Liuka kuneha hamwe kaha kuhana Echi ngolo jaukalunga, jize jinahase kwalumuna eyi mijimba etu tuli nakuyoyelamo. Omwo etu natumona Kalunga nahase kusangula vafu kuvafumisa hamavu mokomoko kufuma kuweluka wa chipango, kaha nakumuneha cheka kukuyoya na kumuneha kuli etu, omwo etu natumona Kalunga uze nahase kumbata kansa ize yinali muthu nakumutwala kumuvwimbimbi na kumusangula nakumuhetesa kumuthu wakulikangula, chize

chatela kuhana lufwelelo lwa kuhukula kuli vathu. Chize, omwo chize Kumunyika nachimwinyika kufuma muutangatanga, kaha kuvuma cha ndolombita, uze Mujimba wa Kulishitu nauya washiwashi nakukunguluka hamwe, kaha kuwalumuna mukapyapya kakandende na kootwala mu Melu. Eyo, kwatela kupwa chuma chimwe nge ngachize kusoloka. Kaha mashikola a akutanga chauthu kaheshi kuhasa kuneha chizeko, oloze vakiko vali vene vakwoloka na kutanga chavo. Oloze ove watela kulihumangana nachize Kumunyika! Ove watela kuwana nge kuli Chumachimwe.

<sup>50</sup> Kaha hano Mose, kukundamina ha kusanyika chenye chachinene ha Lizu, nge omu chapwile chachinene, palanga likumbi limwe ikiye aliwanyine na echi Kumunyika, kaha eli vene Lizu Livene lyahanjikile kuli ikiye. Kahajino ikiye apwile nakuwavisa chenye. Chize kuwavisa chize chapwile muli ikiye, chize chapwile mukachi, chize—chize vakakutanga vafwelelele, luze lufwelelo luze lwakundaminyine ha kuzeneka kufwelela Kalunga, luze lwamuhandunuine ikiye kufuma kuli naye. Kaha jino omwo ikiye aliwanyine Kumeso achize Kumunyika, Chamuwavishile mangana ikiye afwelele. Talenu? Kuwavishiwa kana! Kaha ikiye apwile wakutuma.

<sup>51</sup> Jino, etu tunatachikiza, kuhichila mukutanga ikiye evwile naye. Ikiye atachikijile chuma muka nachiya nakusoloka, kaha ikiye atachikijile nge ikiye apwile nakuyoyela mulikumbi kana. Oloze hano ikiye awanyine nge apwile mukakuhona, shikahoikiye atelele kupwa na...lufwelelo lwenyi pamo lwaholokele chindende kunyima. Oloze jino omwo ikiye ejile kuze kumusenge, Kalunga ambile ngwenyi, “Ngunevwu mitete ya vathu Jami, kaha Ngunanuka lushiko Lwami kuli masevo, Apalahama, Isaka, na Yakova, kaha Ngunasuluka nakwiza.” “Nguli,” kuze, kupwa—kupwa kuvuluka muthu, “Ngunasuluka nakwiza nakuvasokola.”

<sup>52</sup> Kaha jino, kaha echa Nguhakileko echi kachi nge... Kalunga mwangukonekela kachi nge chili nakwivwakana nge kulifukula. “Kangwazata hamavu, chakuzeneka kuhichila muli muthuko. Ngwapwa—Ngwapwa—Ngwapwa yami Muvinyo; enu munapu mitango. Kaha Ngweji kulijimbulanga kaha Amilyavene nge Nanguwana muthu. Kaha Ngunakusakula ove, kaha Ngunakutumu ove kuya nakuvalovolamo.” Talenu? Jino tachikizenu, “Nanguya nakupwa na kanwa kove, kaha Nangu...kukuhana ove mukombo.”

<sup>53</sup> Kaha Moze amabile ngwenyi, “Kuvangila Ngumone chinjikizo nge Ove muya nakungutuma yami, kaha Ove unanguwavisa yami, kaha Ove muya nakulinga vyuma kana?”

Ambile ngwenyi, “Ika ili mulivoko lyove?”

Ikiye ambile ngwenyi, “Mukombo.”

Ambile ngwenyi, “Umbile hamavu.” Kaha walumukile kupwa linoka. Ikiye achinyine.

<sup>54</sup> Ikiye ambile ngwenyi, “Umbate.” Kaha walumukile cheka kupwa mukombo. Ambile ngwenyi, “Haka livoko lyove mutulo.” Kulifumisamo, kaha lyapwile na mbumba. Lihakemo cheka, kaha lyahindikile. Ambile ngwenyi. . .

<sup>55</sup> Ikiye amwene upahu wa Kalunga. Kakwapwile cheka numba chihulako, kuli Mose. Mwamona lyehi omwo chapwile, ikiye kachinyinyine cheka mupambo ko? Ikiye apwile wakuwawisa. Ikiye atachikijile kuze, vyuma vyosena vyapwile mumuchima wenyi, vize vyuam vyavinene vyakutamo, kaha ikiye. . . vakiko vapwile vakuwawisa jino. Ikiye—ikiye apwile wakulizanga. Ikiye apwile wakulizanga kuya. Shikaho ikiye ashikumukile na kuya ku Ejipitu.

<sup>56</sup> Kalunga nachihanjika, “Nanguya nakupwa na enu,” shikaho chize—chize chikiko chakumishilo vyosena. Kachi, “Nanguya nakupwa na ove,” mukiko kaha Mose atachikijile. Ha kusanyika chachinene chize chapwile mumuchima wenyi, kaha jino Kalunga ambile ngwenyi, “Nanguya nakupwa na ove.”

<sup>57</sup> Jino, Kalunga nawa amwijikijile. . . Mose kutonda chenyi. Mose atondele, “Ngunaliwane na Mwata. Kaha Ikiye nangulweke kumilweka, ‘NGWAPWA’ nangutumu.” Talenu?

<sup>58</sup> Jino vakiko vambile ngwavo, “Hano hali ou lunga, ka Yuleya mukwavo, pamo ava vakukeyangila vanapunga nakwiza iza lwola lwosena na jijila jakweseka kutufumisa muno muundungo.” Kaha muntachikiza omu vapwa vathu nge vali muundungo, mokomoko mukukashiwa cha chumachimwe, kwatwama lwola lwosena nge jijila jenzi kwizanga, munatachikiza, mwakulingila.

<sup>59</sup> Shikaho, mose, Kalunga ashikile Mose, “Nanguya nakupwa na ove. Nanguya nakupwa naove. Mazu Ami nawaya nakupwa Mazu ove. Ove hanjika Mazu Ami kaha kahanjike kaha vyuma Nangukahanjika.”

<sup>60</sup> Kaha jino omwo Mose ayile na kuvasanyika, kaha emanyine kumeso a Fwalo, kaha amulwekele nge, “Ou Yehova Kalunga wa va Hepelewu nambe ngwenyi, ‘Ngulovole ava vana,’” Kaha ikiye kavechele vayengako, kaha shikaho ikiye—ikiye alingile chinjikizo kumeso avakulwane na kumeso a Fwalo. Kaha vize vinjikizo vize Kalunga alingile: Ikiye ambile ngwenyi, “Jino, hamene, ha lwola luno, musana naukalauka, nakukaya nakupwa milima mu Ejipitu yosena,” kaha chasolokele vene. Kaha jino ikiye ambile, “Kuli—kuli nakwiza vajiji muli—mulifuchi,” kaha ikiye olwele mukombo na kusanyika vajiji, kaha vajiji vejile. Kaha ikiye apolofwetele, kaha vyuma vyosena vize ikiye apolofwetele vyasolokele muze vene mujila. Apwile Kalunga. Talenu?

<sup>61</sup> Kalunga amusanyikile ikiye kufuma kukusemuka chenyi, kuhaka muli ikiye vilinga, vya vinene vya lufwelelo, kaha jino kwiza na Kupwa Chenyi na kuwavisa chachinene chimwe muli ikiye, kaha kumutuma kwiza hano hamavu na Lizu Lyenyi, kaha ikiye apwile vene wakwinjikiza cha kutonda chenyi. Chipwethuhu vileya vangahi vakatukile, vangahi evi vyuma kana vyasolokele, Kalunga apwile nakuhanjika hali. . . Mose apwile wakwinjikijiwa. Mose, vyuma ahanjikile Mose, Kalunga achivumbikile. Ngwatondo enu kuhona kuvulyama eli Lizu. Chuma ahanjikile Mose, Kalunga achivumbikile, mwomwo Lizu lya Kalunga lyapwile muli Mose. “Nanguya nakupwa na kanwa kove; nakakaya nakuhanjika vyuma vyakwoloka.” Jino, chuma nahanjika Kalunga—chuma nahanjika Kalunga, Ikiye ahanjikile kuhichila muli Mose, kaha achinjikijile na kwinjikiza kutonda chenyi.

<sup>62</sup> Kaha nawa, ikiye vamulwekele kuli naye, cha kusemuka chenyi omwo chapwile, kaha omwo luze lwola lwapandamine ku ola ize lwakusokola. Amram na—na Jochebed, uze mwana walunga na wapwevo wa Levi, kuputuka kulomba kuli Kalunga na kutuma mukakulwila. Kaha chambachile. . . nge namumona lwola lwa lushiko kupandama hakamwihi, cheji kuhaka vathu kukulomba na kukwivwa zala. Kaha kukakasana pimbi ngachize—ngachize Jochebed amulwekele ikiye kapapa kakavulu, naye; omu apwilenga chilombola, nawa, nge omu tunatachikiza ou mujimbu. Kaha amulwekele ikiye omu ikiye alombele. “Kaha, Mose, omwo ove wasemukile, mwana walunga, ove wapwile mwana wambwende. Ove wapwilenga wakuhandunuka. Kwapwile chumachimwe chasolokele ha kusemuka chove.”

<sup>63</sup> Ngwahanyine chisela hali echi kuli vana, kahashimbwile chikumako, kaha ambile ngwenyi, “Shimbu Amram apwilenga mukapete nakulomba, ikiye amwene Kangelo kukoka poko Yenyi yauvela kuvali na kwinyika ku Kuto, kaha ambile ngwenyi, ‘Ove mukaya nakupwa na mwana walunga, kaha ikiye mwakaya nakutwala vana kukuto ku limbo lya lushiko.’” Kuhana chisela hali vaze vavandende shikaho vakiko vahase kwivushisa; mwomwo kwivwushisa chavo kanda chihete hali vakulwane, kaha nakukwata vyuma vya Shipilitu Wajila nge omu eji kuvijimbulanga kuli enu.

<sup>64</sup> Jino, chipwe naye amulwekele vyuma kana, kaha ikiye atachikijile chuma kana, oloze atondele kukwata chikwavo. Chize—chize kunangula chapwile chambwende, oloze ikiye atondele yavene kulihumangana.

<sup>65</sup> Omu mukiko kaye kanatondo lelo. Omu mukiko liuka linatondo lelo. Omu mukiko kalamuthu natondo, mukiko vana vamaunga na vamaapwevo va Kalunga. Hakupwa muchiyulo cha chize, enu munatondo kulihumangana chamuthu ivene, talenu, Chumachimwe. Chipwethuhu, ove unatachikiza nge Lizu linapu

muchano, munatachikiza Echi kupwa chakwoloka; oloze jino omwo na chiliwana, kaha jino mutale chuma kulingika, kahajino munatachikiza ove uli mujila ya kwoloka. Talenu? Kaha, tala, echi nachiya lwola lwosena na kupwa Chisoneka. Nachiya nakwimana kupwa chakwoloka na Chisoneka, mwomwo echi chalingikile.

<sup>66</sup> Amram kulomba chapwile vene na Chisoneka. Kulomba chavo chapwilenga na Lizu lya lushiko. Kalunga ashikile hali luze lwola kulinga muze. Vakiko valombebele hali chize, kaha hano apwile mwana wakulumbunuka. Kaha vakiko . . .

<sup>67</sup> Tala! Mamalelo, omwo Ngwazanga echi! Talenu, mu ola ize Fwalo apwile nakujiha vana vosena, talenu, kuvajiha vakiko na—na poko yauvela kuvali, poko yauvela kuvali ya tulama; vakiko—vakiko—vakiko kutuva vaze vanyike vavandende nakuvajiha, kupwa kulya cha vangandu, ize mijimba yayindende, palanga vangandu pamo nomu vatohwele na mijimba ya vana va Hepelewu. Oloze Mbimbiliya yahanjika ngwavo, chize, “Vaze visemi kavevwile woma wa lushimbi lwa Fwalo lwa kujiha vana.” Vakiko kavahashileko. Vakiko kavapwile na womako, mwomwo vakiko vamwene chumachimwe muli uze kemba, kukuputuka. Vakiko vamwene chize, chize chikiko kukumbululula cha kulomba.

<sup>68</sup> Kaha jino Mose apwile na echi kupwa chikuku, shikaho Mose atachikijile nge ikiye vamutumine hali pungu kana ya kusokola vana va Isalele.

<sup>69</sup> Talenu, chikuku chosena chalumbikile. Omwo ove naumbata kala chuma, kaha chinahase kuneha Mbimbiliya, kuhanjika, “*Echi* chili nakuya nakusoloka,” kaha hano chasolokele; “kaha *echi* chili nakuya nakupwa nge lwola,” hano chinasoloka; “kaha *echi* chili nakuya nakupwa ha lwola kana,” kuze chasolokele; kahajino vize vyosena vyalilumbikile hamwe na kufunda chifwanyisa hali etu.

<sup>70</sup> Mamalelo, omu eyi mbalaka chino chimene, omwo etu vathu va ino ola, Ndumbu Neville, nge omu tuli nakumona wele kulovoka mujikambu, kaha mahye etu kututumuka, omwo etu natumona kaye kulivunga na kujinguluka nge omu kali, kaha omu etu natula nakujinguluka na kumona lushiko kupandama hakamwihi! Echi chili, chili. . . Ngwashinganyeka, kapapa kakavulu, kachi nge muthuumwe nahase kutumbukila muli Chize halwola lumwe, kaha kaveshi kuhasa kuchivwushisa Echiko, mokomoko kuhasa kuchivwushisa Echi, numba mumwe, kaha twayenu muli Echi ha lwola lumwe, echi chinahase kukutuma ove ku Hayamyaka, na chuma kaha chakuhukula nacho! Kaha kavachitachikijileko, kaha mukiko kaha, mamalelo, kuhita mvyuma kana etu twamono na kutachikiza na kwivwushisa, kaha kutumbuka ha lwola lumwe kaha. Wa lunga, mokomoko wa pwevo, kanyike walunga,

mokomoko wapwevo, vanahase kaha kuzundula mavoko avo na kuhanjika, “Echa tuyenunga, Mwata Yesu,” wamono. Mamalelo, omu ola yinapandama!

<sup>71</sup> Mose hakutachikiza nge ikiye asemukilile pungu, kaha talenu kuhichila mu janena na kutala hali vaze va Hepelewu omu vali nakuyanda; kutala munyima mu Chisoneka, kaha chahanjikile ngwacho, “Kaha vakiko navakaya nakukwenda muungeji mu myaka fwo handulendi,” talenu, “oloze Nangukavaneha cheka na livoko lya undume.” Kahajino omwo ikiye mwekeza cheka, hanyima ya kutuma, wakuwavisa, kutachikiza nge ikiye apwile wakusemuka. . . Kaha lufwelelo lwenyi kutala, ha lufwelelo ikiye amwene vathu na kutachikiza vakiko vapwilenga vana va Kalunga, mwomwo kaye. . . eli—eli Lizu lyahanjika ngocho. Vakiko kavapwile vamukaye, kaha kapwile nge vosenako. Vakiko vapwile vakuhandunuka. Kaha vakiko vapwile na kulikoka nakulitoleka, ku—ku upahu wa Ejipitu; kaha ikiye apwile mwana Fwalo, kutwala wangana kulutwe, kaha chinashishiho. Oloze, ikiye, kuli chumachimwe muli ikiye, na—na lufwelelo lwamwenemwene luze luli nakusoloka vyuma kana, upahu uze ikiye apwile nakuya na kuswana. Ikiye atalile ha lushiko lwa Kalunga, kaha ikiye atachikijile nge lwola lunahete lyehi. Kaha apwile muthu muka nge natushinganyeka!

<sup>72</sup> Ngwatondo kuhanjika na ikiye, likumbi limwe, omwo Natukaliwana na Ikiye kusali ikwavo. Enu ngwenu, “Wazaluka, ndumbu walunga!” Nduma, kangweshi ngochoko. Nguli nakuya nakuliwana na ikiye, ha likoji lya Kalunga. Eyo, mwane. Nangukaya nakuhanjika na ikiye, likumbi limwe, Mose lyavene. Kaha omu Nangusaka kumuhula ikiye, omu chapwile, omwo amwene kuwahisa chenyi!

<sup>73</sup> Omwo kwapwilenga vyakumunyengetesu, liyavolo kuhanjika, “Ho, vathu kaveshi kaya nakukufwelela ko. Huhuh. Kakwechi—kangweshi chumako kuli chize.”

<sup>74</sup> Oloze omwo ize mbuto yebile mu Kuyoya, chuma chimwe chamuvetele ikiye, kaha ikiye atachikijile nge kuli chuma chimwe nachiya nakusoloka. Ikiye atachikijile. Atalile ha—ha koloko kaha amwene lwola muka lwapwile, kaha ikiye atachikijile, kaha omu ashinganyekele omu atalile. Jino omwo ikiye awanyine vyosena evi, vyosena vyuma vyavinene vize ikiye amwene; lwola lwa Chisoneka, kulomba cha naye na ize, kaha ikiye asemukile kusemuka chakulipwila, kupwa mwana wakulipwila. Kaha, lwola lwosena, kunapunga chumachimwe mukachi kenyi.

<sup>75</sup> Kaha jino ikiye aseunukile na kweseka kushinganyeka nge mwaya nakulilongesa mwakwashila jita kufuma ku shikola, na kusokola vana, kaha chize chahonene.



76 Kahajino ikiye ayile muchipapa na kumbata uze—uze kanyike wapwevo wa ka Echopa, kaha vakiko vapwile na kanyike walunga walijina lya Gershom.

77 Kaha likumbi limwe shimbu kutala mikoko, kukasumuka himwamona chiputa kuwema helu lya pili, kuwema. Kaha ikiye ayile akandukile haze. Kaha keshi nge mukakutangako, keshi nge—nge kujinuoka, keshi nge kuhungumuka, chipwe kajimbavenyi, oloze muli ikiye. . . Kuze kwapwilenga Kalunga ka Apalahama, muli chize Kumunyika, Panda ya Mulangi wakakahya muli chize chiputa, kaze Kakahya, nge likimba lili nakuya, oloze kakakwachile ku chiputako. Kaha lize Lizu lya Chisoneka, lize Lizu lya Kalunga, lyahanjikile haze, kaha lyambile ngwalyo, “Ngunakusakula. Ove uli muthu. Ngunakukatula ove hali eyi pungu. Nguli nakukwinjikiza, na vinjikizo, uli nakuya nakusokola vana mwomwo Lizu Lyami lyatela kuzalishiwa.”

78 Mamalelo, Lizu Lyenyi lya lino likumbi lyatela kuzalishiwa. Etu tuli nakuyoyela muli ino ola. Chipwe thuhu kalamuthu mwahanjika ngachilihi, eli Lizu lyatela kuzalishiwa. Melu na mavu nawakahita, oloze keshi Lizu Lyenyi.

79 Jino, omwo Mose apwile navyosena hamwe, na kumona kala jila, cha wavishile lufwelelo lwenyi. Amena! Mamaah, yami! Chishinganyeka kana! Echi, chivene, chivene kumona Chisoneka kwinyikila haze vene, kaha kuhanjika vya Kalunga, kaha chinjikizo cha chize, chawavishile lufwelelo chuma muka apwile nacho muli ikiye, kuya nakuzata.

80 Chumamuka chatela kulinga kuli etu? Etu twatela kupihilila na kwalumuka. Etu twatondewa kuhizumuka. Nguli nakuhanjika amilyavene. Talenu? Ngunatondeka kulimeka. Ngunatondo chumachimwe. Ngwambile ngwami Ngwapwanga nakuhanjika kuli yami lyavene chimene chino, mokomoko hali yami lyavene. Nguna—Nguna—Ngunatondo ku—ku kutona.

81 Kaha omwo Ngunashinganyeka hali chize chinjikizo, vyuma vyosena kupwa vya kwala kanawa, kaha chawavishile lufwelelo lwa Mose. Kaha, yami, ikiye amwene nge keshi kacheshi chumako. . .

82 Hano, ikiye achinyine kufuma mu Ejipitu, na, vene, ikiye pamo aputukile na—na kulikanga mokomoko chumachimwe, kaha ikiye ahashile kupwa—ikiye pamo ahashile kukatuka na kuputuka kutungulula muze mu Ejipitu, kaha pamo ambachile maswalale na kuzunga, oloze, munamono, kaha apwile na masauzande kusali yenyi. Oloze kachi apwenga nachize, ikiye alizakaminyine nakulinga chize, na maswalale kusali yenyi.

83 Oloze jino ikiye mwakinduluka, hanyima ya myaka fwote kufuma haze, myaka eyite yakusemuka, na mu kombo kaha mulivoko lyenyi. Mwomwoika? Chumamuka chapwile nakuwema mukachi ka muchima wenyi chineza nakupwa

chuma chamwenemwene. Ikiye apwile wakuwavisa, kaha ikiye atachikijile ikiye apwilenga na MUKIKO MWANAMBE MWATA. Kakwapwile chumachimweko nachiya nakumwimika ikiye jino. Ikiye katondele numba jitako. Kalunga apwile na ikiye. Chikiko kaha ikiye atondele: Kalunga na ikiye.

<sup>84</sup> Mamalelo, nge unamutachikiza Kalunga nakutumu ove kulinga chuma chimwe, kaha ove muchimona chikiko kutambuka haze, kuze—kuze keshi chumako nachimbata chihela. Mukiko kaha.

<sup>85</sup> Ngunanuka lwola omwo Mwata nangulweke hali chuma chimwe chapwile nakuya nakusoloka, kaha jino Ngumatambuka na kumona chinasavala haze, omu. . . Mamalelo, ocho kwivwa kana! Ukalu unapu mwishi ya tetekeli, mukiko kaha, talenu, mwomwo Kalunga ambile ngocho.

<sup>86</sup> Ngunanuka, enu vavavulu anukenu, hali kanyike walunga uze asangukukile mu Finland, kaha jino kufuma ku kufwa, vajihile ku motoka. Kaha Ngwemanyine kuze kusali yamukwakwa, kaha kuputuka kufumako kufuma kuli uze mwana, kaha kwalumuka na kutala hanyima. Kaha Chumachimwe Chahakile livoko halihye lyami, kaha Ngwashingtonyekele nge apwile Ndumbu walunga Moore, kaha kakwapwile naumwe nayamiko. Kaha Ngwatalile hanyima, kaha jino Ngwatalile nakukanduka ha pili Ngwamwene. Ngwambile ngwami, “Chamwaza, Ngunamono ize pili kumwe, oloze katwejile kwakufwana nganako. Etu twezenga mujila ikwavo. Ize pili yakuli?”

<sup>87</sup> Kaha Ngwatalile kaha kumona ize motoka kuze, chiwekenge; kumona uze kanyike walunga kuze na . . . kusavala kuze na—na kuteula chakufwana nge jombi, nge omu tunahase kuchisanyika kuno. Meso alumukile bwi, nge Ndumbu walunga Way omu apwanga likumbi likwavo omu aholokanga. Kaha chimbundo chachindende kufuma musokishi, muze lihinji lyenyi lyahokokele. Kaha manyinga kulovoka mu meso eyi, na mumazulu na mumatwitwi. Kaha kumona kaze kakandene, katoloshi kakehi; kaha kakukasa na jimbutawu, kanyi, *hano* kaha kujinguluka munda yenyi yayindende; kaha masokishi eyi amandende kwilu, nge nge omu twawavwalilenga myaka yayivulu kunyima.

<sup>88</sup> Kaha Ngwatalile nakujinguluka, kaha kwapwile vene, mukikovene mujila Shipilitu Wajila angulwekele mu myaka ivali kunyima, omwo enu vosena mwasonekele mu Mbimbiliya yenu kumafuchi osena, nge nachikasoloka. Mamalelo, kuze, kahajino, ukalu uli hano. Chipwe thuhu nafu ngachilihi, Chipwethuhu kalamuthu mwahanjika ngachilihi, nachihita. Ikiye atela kukinduluka!

<sup>89</sup> Ngwambile ngwami, “Kachi ou mwana mwahona kusanguka kufuma kuvafu, kahajino Ngukapolofweto wakwonga,

Kangweshi mukakwimanyinako Kalunga ko. Mwomwo, mwimbo lyami, mummyaka ivali yinahichi, Ikiye angulwekele echi kusoloka. Kaha ava vakuzata muliuka, na vosena, vachisonekele ha mapapilo aji Mbimbiliya javo, kaha hano chilivene nge muze. Tangenu echi kumapapilo, omwo nachikapwa ‘kupwa mulifuchi, lya malolwa akulilunjika, kaha na vyangocho, navakamujiha, kaha lika . . .kupwa kusali ya livoko lya chilyo mujila.’” Ngwambile ngwami, “Chapwile vene. Kakweshi chuma chinahase kuchikmikako. Ou ukalu uli lyehi wakutetekela.”

<sup>90</sup> Luze lufwelelo lwapwile mukachi ka muchima wami valuwavishile. Mamalelo, kachi Ngunahase kaha kulumbunuka chize! Luze lufwelelo luze Kalunga . . .Ngwapwile nalwo muli Kalunga, luze lwangulwekele yami, kaha kalwahoneneke, lwangulwekele yami, “Nge uze ukalu uli lyehi wakutetekela jino. Hano hakiko vene Ngwamisolwele mummyaka ivali yinahichi, kaha hano jino echi aha vene muchiyulo. Chumachivene kaha shina kuhanjika eli lizu.” Kaha uze kanyike walunga asangukile kufuma kuvafu. Talenu?

<sup>91</sup> Ngwapwile nakushinganyeka, kaha kutala kunyima hali Ndumbu walunga Fred Sothmann natwame haze, na Ndumbu walunga Banks Wood na vakwavo. Likumbi likwavo, helu haze ha—ha mujila ya Alaskan, omu Ngwemanyine haze ha liuka na kumilweka enu vosena hali uze kanyama uze asolokele nge vuli wajimbinga, fwote tu inches, kaha vuli wa silver-tip grizzly. Kanda lyehi ngupwaho, kaha omu nge . . . uze Ngwapwile nakuya nakupwa nenyi, kaha nomu nachiya nakupwa, kaha nomu vavavulu navaya nakupwa na yami, kaha nomu navakavwala. Munatachikiza echi, enu vosena, milungu na milungu shimbu kanda chisoloke.

<sup>92</sup> Kaha kuze omwo Ngwatamukile, kuhona kutachikiza, nge kuze kuli kanyama kana. Kaha Ngwayile, kaha—kaha ikiye . . .chize chapwile chachikalu. Kachi chinyanga mwaya nakutachikiza, mokomoko kwivwulila hali eyi tepu, omu enu kamweshi kuhasa kutambuka mumeso auze kanyama, ikiye mwaya nakutumbuka na kuchina. Oloze kalingile ngochoko.

<sup>93</sup> Kaha ikiye apwile muze mukapete kamuwina wami. Ikiye apwile muze uze silver tip, mukiko kaha nge muze vene. Kaha na—na chipimo kuze, na tepu yakupimisa, kusolola chize vene. Kaha mbinga nayaiya pamo nakukonyachila kapapa kavali mokomoko chikuma, omwo lyapwile lituta hali uze kanyama kaha nomu lyomine, oloze kalyakonyachileko. Lyapwile hanga nahamazulu fwote tu inches. Talenu? Haze hanga nasavalila uze silver-tip, apwile kusuwa nge seven foot, mukiko vene, kaha vyuma vyosena mukiko kaha mujila apwile, kuswanga haze jino.

<sup>94</sup> Oloze omwo uze lunga ambile kuli yami, “Jino, tala, Ndumbu walunga Branham, etu tukwechi ou kanyama uze wahanjikanga, oloze ove wangulwekanga kupwa na tip grizzly shimbu kanda

ove uhete kwishi ya pili, kukinduluka kuze kwapwile vase vanyike vamaalunga, vase vapwilenga na chikovelo cha mafwo amatamba.”

<sup>95</sup> Ngwambile ngwami, “Echi chinapu MUKIKO MWANAMBE MWATA. Kalunga ahanjikil ngocho.”

<sup>96</sup> “Oloze, Ndumbu walunga Branham,” ikiye ambile ngwenyi, “Ngunahase kumona havyuma vyosena hano, ha jimalosi, kakweshi chumako. Ali nakufuminyina kulihi?”

<sup>97</sup> Ngwambile ngwami, “Chize kacheshi chamiko kuhula. Kalunga ambile ngocho! Kaha Ikiye apwa Yehova Yile. Ikiye nahase kuneha va vuli haze. Ikiye nahase kuvahaka haze.” Kaha Ikiye achilingile. Kaha ikiye uze. Chinapu ukalu uli lyehi mukutetekela.

<sup>98</sup> Kaha omwo Mose amwene nge ikiye vamukatwilile punga kana, kaha ikiye naliwane na meso na meso, na ou Kalunga wamunene Uze amusanyikile, kaha amuwavishile ikiye na kumusolola ikiye, kaha ambile ngwenyi, “Echi chinapu kusanyika chove, Mose. Nguli nakukutuma, kaha Nguli nakuya kukusolwela ove upahu Wami. Kaha hano Nguli, mu chiputa, kuwema. Yako nakushikumuka kuze! nanguya nakupwa na ove.” Ikiye katondele numba mukomboko. Ikiye apwile na Lizu, lize Lizu venjikijile, kaha ikiye ayile. Chize chawavishile lufwelelo luze lwapwile muli ikiye.

<sup>99</sup> Kaha cheji kuwavisanga etu omwo etu natumona nge tuli nakuyoyela mumakumbi amakumishilo, kuwana nge evi vinjikizo evi vili nakusoloka, vize vahanjika mu Visoneka, nachiya nakusoloka mumakumbi akumakumishilo; mujila yosena ya kufuma Mwilu, kupwa jingolo ja vakamilingu, kaha chisemwa cha vathu, kaha kukasunuka cha kaye, na kupwa mukachi ka mapwevo, kaha omu vakiko navakaya nakulinga mumakumbi akumakumishilo, kaha omu malunga navakalinga, kaha omu mauka navakalinga, omu mafuchi nawakalinga, kaha omu Kalunga mwakaya nakulinga. Kaha etu twachimono chili haze vene kuli etu.

<sup>100</sup> Mamalelo, chanawavisa lufwelelo lwetu. Lweji kututambukisa etu mumujingulula lwalunene. Talenu? Echi—echi—echi cheji kuhandununa etu kufuma kuvyuma vya mukaye. Talenu? Chipwethu tuli vavandende, mokomoko omu tuli vavandende kaha, omu etu vatusehele, kusehewa, kacheshi kuhasa kuneha chihandwako. Mukiko kaha. Etu kumona chize. Kuli chumachimwe mukachi ketu. Etu twapwile vakutongola kumona ino ola, kaha kakwechi chuma chimwe chinahase kwimika kuhona kumona chize. Amena! Hano Kalunga ahanjikile chize. Echi—echi chinasoloka lyehi. Etu twamono chize. Mamalelo, omu etu twasakwilila Kalunga hali chize! Mamalelo, jino, echi cheji kuneha lufwelelo lwove omwo etu natumona vyuma kana kusoloka hano.

<sup>101</sup> Jino, hano cheka etu tunatange echi, “Mose amwene kutoleka cha Kulishitu chinahambakana luheto kuhambakana luheto lwa mu Ejipitu.” Jino, ikiye amwene chize—chize kutoleka cha Kulishitu.

<sup>102</sup> Jino anuka, “chize kutoleka cha Kulishitu.” Talenu, kuli kutoleka ha kuzachila Kulishitu. Kachi ove uli na puho na kaye, kahajino ove kaweshi kuhasa kuzatako, ove kaweshi nakuzachila Kulishitu ko. Nduma, ove kaweshi kuhasako. Mwomwo, mwamono, kuli kutoleka ha kuya na Echi. Aka kaye lwola lwosena kejikutoleka.

<sup>103</sup> Mujila yakunyima, masauzande a myaka kunyima, kwapwilenga kutoleka chize chayilenga na Echi. Kaha Mose kupwa fwalo, ikiye apwile wakushisa hali fwalo, mwana Fwalo. Kaha ikiye apwilenga nakwiza na kupwa wakuswana fwalo, nauselewa wakufuma kuli vathu, oloze ikiye “achimwene. . .” *Amwene* kulumbununa ku—ku “achimwene.” “Ikiye amwene kutoleka cha Kulishitu chinahambakana kuwaha kuhambakana vyuma vanahase kumuhana kufuma kuli va Ejipitu.” Ejipitu yapwile mulivoko lyaenyi. Oloze, ohonyi, ikiye atachikijile atachikijile jila ya Kulishitu apwile nakutoleka, oloze ikiye apwile wakuwahilila kutachikiza nge kuli chumachimwe mukachi ka ikiye, chize chamulingishile ikiye kumona nge kutoleka cha Kulishitu, kutoleka cha Kulishitu, chipwe, kuhambakana upahu uze ikiye—ikiye aswanyine. Ikiye apwile na uswana mukachi ka ikiye uze wapwile wakuambakana chize chapwile kuweluka wa uswana uze vamuhanyine.

<sup>104</sup> Mamalelo, kachi etu natupwa nge ngachize na lelo, kaha echa Shipilitu Wajila kuwvisa chize chize etu tuli nacho mukachi ketu, luze lufwelelo, kupwa chiyoyelo chaukalunga, kujilikila kuli Kulishitu!

<sup>105</sup> Jino, na lufwelelo lwangachize nge omu apwilenga nalwo, ikiye atachikijile, kaha ikiye amwene nge chize kutoleka chili na ulemu.

<sup>106</sup> Lelo, muthuumwe nahase kuhanjika, “Ha, ove uli umwe wavaze vathu, vaze?”

“Hu, hu, chamwaza, hu.” Ove uli kaha na sonyi chindende hali echi.

<sup>107</sup> Oloze ikiye amwene echi kuhambakana luheto lwapwile mukaye, mwomwo chize chapwile chumachimwe muli ikiye chize chahanjikile na kutambakana, “Eyo, Ngu—Ngunamono *echi*. *Echi* kupwa chaulemu chikuma. Ngunawahilila kupwa umwe wawakiko.” Talenu? “Ngunawahilila kulilava amilyavene kupwa ka Hepelewu keshi ka Ejipituko.”

<sup>108</sup> Ava Vakakulishitu lelo vatela kuhanjika chuma chochimwe. “Ngunawahilila kumona amilyavene kupwa Mukakulishitu, kulihenda kufuma kuvyuma vya mukaye na kuchiyulo cha mukaye. Keshi kupwa kaha membala wa muliuka ko, oloze

nge Mukakulishitu wakusemuka chachihya uze ayoyelenga kutesekesa na Chisoneka. Chipwe Navanguvuluka, chipwe thuhu ha mamembala ja muliuka, 'kupwa wakuzeneka kuswa,' oloze Ngu—Ngu—Ngumono chize chinahambakana—kuhambakana chuma chize kachi Ngwapwile muthu wakuhamabakana puho mu mbongi mokomoko mulifuchi. Chatela yami kupwa ngachize kuhambakana kupwa Kolokoko ya United States, mokomoko—mokomoko mwangana wa mavu osena. Mwamono? Ngu—Ngunamono nge chize chili helu, mwomwo Kalunga mu keke Yenye, shimbu kanda chikuku cha kaye—kaye, angumwene, kaha—kaha ahakile kambuto kakandende muze, mangana lufwelelo lwami lutuke helu lwa vyuma kana vya mukaye. Kaha jino Ikiye angusanyikile, kaha Nguna—Ngunamono chihela chami.”

<sup>109</sup> Nge omu ahanjikile Paulu, ikiye alemesele ufwishi wenyi chikuma...talenu, kaha, mamalelo, Kalunga amusanyikile ikiye kupwa mulongeshi wamunene nge Gamaliel. Oloze Paulu vamusanyikile kupwa mulambu hali Kulishitu. Talenu? Jino chuma chochimwe.

<sup>110</sup> Tachikizenu, na lufwelelo kana, ikiye kakundamine ha kumona chenyiko, chuma muka ikiye amwene. Jino, ikiye kamwene chuma chekako shina lizavu lya—lya vathu kukwata ulova, vandungo, mu kamenga, kupwa vakujiha hakumbi hakumbi, kuveta na mingweji, vakusehawa, kufwelela cha kufwelela chavo, vapwile “vakutoleka.” Kaha kuze kwapwile fwalo natwame ha litanda, uze ahonene kutachikiza mokomoko kulemesa kala chuma cha kulifukula. Ikiye katachikijile na chumako hali chize. Ikiye apwile wakuzeneka kutachikijiza kalunga, shikaho ikiye apwilenga...Omwo chili chifwanyisa cha lelo! Kaha mukiko chapwile, kulifukula chakuhandunuka. Kaha omu chize kachi—kachi uze Mose, mukala chitwamo na kolokoko, mokomoko uze—mokomoko muthu wamulemu, Fwalo, kumbata chihela chenye ha kufwa chenye, kaha ikiye apwile kashinakaji. Kaha Mose ashinganyekele chize kupwa kusanyika...Ikiye atalile kuhichila muze, kaha mujanena yoyimwe ize Fwalo atalilenga, mwomwo ikiye apwilenga muuvo yenye.

<sup>111</sup> Kaha Fwalo atalile kuhichila muze na kumona vaze vathu vaze vapwilenga nakuzundula mavoko avo, kaha vakiko navambata muundu na kuveta vakiko palanga nakukufwa mwomwo vakiko vapwilenga nakulomba. Vakiko vambachile poko yamukwale kuyitua muli vakiko mwomwo vakiko vahonene, kuzeneka kwononoka ha kala lwola, kaha kuvalingisa vakiko kuzata palanga na mijimba yavo yayindende ya mwaka kuholoka, kaha kuvahana kulya ha chachimbwa. “Chamwaza, vakiko kavapwilenga vamokomoko ko oloze lizavu lya vakutoleka, keshi nge vathu kahako.”

112 Kaha oloze Mose, luze lufwelelo muli ikiye, atalile hali vakiko, kaha ikiye ambile ngwenyi, “Vakiko vapwa vathu vakukisula va Kalunga.” Amena. Ngwazanga chize. Na lufwelelo lwamuyachi ngachize, meso eyi kaholokelele ha upahu wa Ejipituko, aholokelele ha lushiko lwa Kalunga. Lize liso lyenyi lya kwaze lya lufwelelo lya mwene kuhambakana upahu wa mu Ejipitu. Ikiye, anuka, ikiye kwiza nakupwa kwaze jino. Ikiye apwa kapolofweto, kaha liso lyenyi lya kwaze lya zundukile kuhambakana vize vyuma kana. Mamalelo, omu Ngwazanga chize! Huu! Yami!

113 Omu kakavulu lelo, lelo, Vakakulishitu kukandamina ha vishinganyeka vyavo, kaha vyuma vakiko vanahase kumona, mokomoko vyuma muka vakiko vanahase kwivwushisa, kachi lufwelelo lwavo, kukundamina hali vize enu muli nakumona na meso enu na upahu. Nge enu mapwevo, Nguli lwola lwosena kumivuluka, hali enu nge mwatela kwecha jikambu jenu kukula, kamwatela kulyalumuna mweka na mweka, enu mwatela kupwa nge mapwevo vakalemesa kaha Vakakulishitu. Enu kakutala mujila na kumona mapwevo lelo kuvwala mwaujila, chamwaza, enu kushinganyeka, “Chamwaza, ikiye eji kuya kuliuka, mwomwoika Nanguhonene kulinga chize?” Talenu? “Kaha ikiye eji kuteula jikambu jenyi, mwomwoika—mwomwoika Nanguhonena kulinga ngachize? Chamwaza, ikiye chinasoloka kupwa chiyema kaha chili cha kusoloka kutanga, kaha uthu uze Ngunazeneka kupwa nawo. Chamwaza, mwomwoika Nanguhonene ika kulinga ngachize? Ngwatela kulinga ngachize.” Nge enu namulinga ngachize, nauya nakuhaka kalepa ku lufwelelo lwove. Talenu? Ove kaweshi kuhasa kuhana lufwelelo chihela cha kukula. Putukila hali chize, nge omu Ngwahanjikanga.

114 Mthuumwe ambile ngwenyi, “Ndumbu walunga Branham, lifuchi, vathu, kukumona nge ove u kapolofweto. Enu kamwatela kupwa mapwevo va kumbolajoka nge ngachize, kaha malunga kulovoka, ha vyuma kana. Enu, enu mwatela kuvanangula omu mwaku—mwaku polofweta na kutambula mawana.”

115 Ngwambile ngwami, “Nangunangula ngachili algebra nge vakiko vanahono numba kutachikiza ABC?” Talenu?

116 Jino putukila haze kaha. Litomese ove lyavene mangana omwo ove mulovoka mujila usoloke nge Mukakulishitu, mwosena omu, talenu, kaha jino yako nakulinga nge umwe. Talenu? Kaha enu kamweshi kulinga echi mukachi kenu. Echi chatela kupwa Kulishitu kwiza mukachi kenu. Kaha kachi mbuto yinasavala muze, kaha Kumunyika nachikuwana, nachiya nakwiza ku Kuyoya. Kachi kacheshi kwiza mu Kuyoya, kuze kakwapwile chuma chimweko cha kwiza ku Kuyoya. Mwomwo, chize achinjikijile kuli veka, talenu, chejile Kuyoya hazevene omwo Kumunyika chavetele.

117 Chize chapwile kutenukila mapwevo, Ngunatachikiza, kupwa na kwivulila muli eyi tepu, mokomoko kuya nakwivulila kuli echi. Echi chinapu kutenukila kuli enu, ndumbu wapwevo. Echi chatela kupwa. Echi chatela kupwa, mwomwo echi chinasolwesa. Kangwalizaminako chuma muka unalingi; pamo unapunga mukakulifukula muka, chiyoyelo chove, enu pamo munayoyelenga muliuka, iso pamo pwako mukakuzata, mokomoko lunga lyove kupwa mukakuzata; oloze nge enu namukana eli—eli Lizu Iya Kalunga, chinasoloka nge muli Kuyoya. Omwo enu namumona vyuma vananehe na Kuyoya cha Shipilitu Wajila, tala Echi omwo Echi nachikwata hali veka, talenu chuma muka vakiko vanalingi, kachi Echi nachineha kuli vakiko, shikaho . . . Mwomwoika . . . ?

118 Chumamuka—chumamuka chakutenukila vaze va Fwalisenu, vaze vamusanyikile Yesu, omwo Ikiye atachikijile vishinganyeka vyavo, Ikiye avavulukile vakiko kupwa, “Mukulwane wavandemoni.”

119 Kaha uze lihule wamundende ambile ngwenyi, “Mwomwoika, uze Mukweze Meshiya. Echi Chisoneka chamba ngwacho Ikiye mwaya nakulinga echi.” Talenu, ize mbuto yakutongola yapwilenga yakusavala muze. Kaha omwo chize Kumunyika chavetelemo, yejile mu Kuyoya. Ove kaweshi kuhasa kuhonesako. Ove kaweshi kuhasa kusweka Kuyoya ko.

120 Ove kaweshi kumbata na kuhingununa ndaka ya malolwa ha mwilako, kaha nakuujiha mulwola lwa chishika. Mungonde yikwavo, kulihi kuli mwila wove? Haze vene kusongo ya malolwa. Mwomwo, ize mbuto yakusoka mwishi ya lilolwa, omwo musana nauputuka kumunyika, ove kaweshi kuhasa kuwimika ko. Nauya nakusokolokela mujila yeka nakujinguluka kaha kwijila kusongo yauze mutondo nakuya muupahu wa Kalunga. Talenu, ove kaweshi kuhasa kusweka chiyoyelo. Nge musana naumwinyikila ha chiyoyelo, watela kuyoya.

121 Kaha omwo Shipilitu Wajila mwakwata ha Chiyoyelo cha Chisoneka chize chili muli muthu, Nachiya nakuneha Ou muhako *kuzevene*. [Ndumbu walunga Branham kuveta minwe yenyi—Muka.] Talenu?

122 Shikaho chipwethuhu apwenga wamuchano ngachilihi kaha wakushishika muka mupwa, nauaya nakuhanjika ngachilihi kaweshi ko, kaha kuhanjika, kuhanjika vakiko vapwile . . . Vaze mapwevo kuwavala ou—ou uvwalo na vyuma kana, kupwa kaha mwakulizelwila, mujila. Chipwethuhu, ove kawafwelelako nge ove uli, kaeshi kuhasa kufwelela. Ove unahase kwinjikiza nge ove uli wakuhona mulonga wa ujila, oloze, mu Mukanda wa Kalunga, uli nakulinga ujila. Yesu ambile ngwenyi, “Wosena mwatala hali pwevo nalushiushu, nalingi lyehi nenyi ujila na ikiye mukachi ka muchima wenyi lyehi.” Kaha ove walisolwele



ove lyavene mujila kana. Talenu, enu kamweshi kuhasa kumona echi kuvangila chize Chiyoyelo chinasavala muze.

<sup>123</sup> Enu namutala hali muthu umwe weka, ove mutalaho na kuhanjika, “Chamwaza, Ngunatachikiza Ndumbu wapwevo Jones. Ndumbu walunga Jones ali . . . Ikiye apwa mukakuzata. Pwevo lyenyi eji kulinga *echi* na *chize*.”

<sup>124</sup> Kangwazakama nyi *chize* nachilinga ika; Eli Lizu. Yesu ambile ngwenyi, “Echa kala lizu lya muthu kupwa lya makuli, kaha Lyami kupwa muchano.” Chinapu Mbimbiliya. Kaha omwo chize Kumunyika chakwachile vene hali chize, chatela kwiza ku Kuyoya. Echi chinapu kwiza ku Kuyoya.

<sup>125</sup> Jino, Mose na liso lyalinene, liso lyenyi lya kwaze, kutala kuhambakana apahu wa mu Ejipitu.

<sup>126</sup> Uze Mukakulishitu mukakufwelela wamwenemwene lelo, chipwethuhu numba liuka nalihanjika ika, chumamuka kala muthu mwahanjika, omwo chize Kumunyika nachivetaho, kaha vakiko vamwene chize kwinjikiza cha Kalunga, ize Panda ya Kakahya kusukama haze, kaha vinjikizo na vikomwesa vize ashikile, chize Chisoneka kupwa haze, chejile mu Kuyoya. Chipwethuhu chapwile chachindende, kaha vangahi mukukeha, Kalunga na lizavu lwola lwosena linapunga lyalindende. Talenu? “Kanda kwivwa womako, utanga waundende—waundende, chinapu kuzanga cha Senu kumihana Wangana.” Talenu? Vakiko vakwachile chize. Kalunga ali wakukashiwa kutuma vakiko kufuma kukala chikungulwilo, muchiyulo kala, kwosena, kumona Chize, kachi vakiko vavatongwelele ku Kuyoya.

<sup>127</sup> Tala hali kashinakaji Shimona, vatongwelele ku Kuyoya. Omwo Meshiya mwakeza nakwingila mu tembele, mu chifwanyisa cha kemba mumavoko anaye, Shimona, kunyima kuze mukapete kumwe, nakutanga, uze Shipilitu Wajila amusangwile, mwomwo ikiye apwile nakuvandamina. Chize chikiko Kuyoya chapwilenga muli ikiye. Ikiye ambile ngwenyi, “Kangweshi kuhasa kufwa palanga Ngunamono Mwata Kulishitu.” Kaha muze muli Mwata Kulishitu mu tembele. Uze Shipilitu Wajila amutwaminyinyine kufuma kumulimo wenyi, kuweluka, kaha atambukile nakuhita na kutambula uze kemba, kaha ambile ngwenyi, “Echa—echa ngamba Yove ayenga mukuunda, mwomwo meso ami anamono ulwilo Wove.”

<sup>128</sup> Muze mwapwilenga pwevo wakapuputa muze mumbango, wa lijina lya Hana, uze amuzachililenga Mwata na musana na ufuku. Ikiye nawa apolofwetele, na kuhanjika ngwenyi, “Uze Meshiya ali nakwiza. Nanguya nakumona kwiza Chenyi.” Ohonyi, ikiye apwile kapuputa. Ha lwola lwolumwe, omwo Ikiye apwilenga muze. . . Chize Chiyoyelo chachindende chapwilenga muli ikiye, uze apwilenga nakupolofweta, “Nachiya nakupwa muze! Nachiya nakupwa muze! Nachiya nakupwa muze!” Kahajino, chize Chiyoyelo chochimwe, chize Kumunyika chejile

muze muzuvo, mu chifwanyisa cha Kemba, nge “mwana wamuujila,” wakujingulwisa mu mahina Eyi, kwiza nakuhita muze muzuvo. Kaha Shipilitu Wajila akwachile hali uze pwevo wakapuputa, kaha ikiye ejile hali Shipilitu, kumutwaminyina kuhita muli vathu, na kwimana hali uze Kemba, kaha uze naye wakukisula, kaha Kemba wakukisula, kaha amulwekele omu nachiya nakupwa kulutwe hali Chize. Talenu, wakutongola ku Kuyoya! Talenu?

<sup>129</sup> Tala hali vakiko, kuze kakwapwile lizavu lyavo. Kuli kaha mwono yitanu na yitatu valwilile mu makumbi a Nowa, chachikalu kupwa navavavulu, oloze vosena vapwile vakutongola ku Kuyoya kwiza muze mulwola kana. Talenu omu uze Shipilitu Wajila azachile mu chisemunuino chosena, kukoka vathu.

<sup>130</sup> Jino etu kuwana uze Mose lufwelelo kutwaminyi8na ikiye kumutala nachiya nakupwa, keshi omu chapwilenga. Tala hamene keshi lelo. Tala ha halushiko keshi ha upahu. Tala hali vathu keshi ha chikungulwilo ko. Talenu? Kalunga alingile muze.

<sup>131</sup> Lote amwene upahu wa kufukila muze mu Ejipitu, mokomoko muze mu Satome. Lote ashile kumona kwashiwa cha—cha—cha kuvulu cha—cha mali. Lote ahashile kumona kufuki-. . .kuhashiwa cha omwo ikiye atalile ha Satome kaha pamo mweza nakupwa. . .Kupwa ikiye apwile ka Hepelewu, ikiye pamo ejile nakupwa muthu wamunene muze, mwomwo ikiye apwile wakutanga, kaha muhya wa Apalahama, shikaho ikiye asakwile kuya kutalisa ku Satome. Lote kutanga chenyi chamutwaminyinyine kumona upahu cha—cha kufukila. Lote kutanga chenyi chamutwaminyinnyine kumona chize kukisula cha—cha upahu. Oloze, lufwelelo lwenyi lwapwilenga nakalepa hali chize, ikiye kamwene kaze kakahya kaze apwile nakuya nakwenyeka chize chiyoyelo kanako.

<sup>132</sup> Kaha muze mukiko mujila vathu vali nalelo. Vakiko vamwene kuhashiwa cha kupwa kulizavu lyalinene, vakiko vamwene kuhashiwa cha kupwa kwimana na vathu cha mbongi, oloze vakiko kaveshi nakumona kuhashi-. . .Vakiko kavamwene lufwelelo lwavo kupwa na kalepa. Echa nguhilwiseho cheka nge kaveshi kuhasa kwivwushisako. Pwevo lelo, vakiko, nge omu Ngwahanjikanga, vakiko vatondele ku—vakiko vatondele kulinga nge va movie stars. Vaze malunga lelo vanatondo kulinga nge vakakuhanjika ha chisaji cha mivwimbimbi.

<sup>133</sup> Va kakunangula lelo vanasoloka kupwa nakutungu mauka avo vavene nge jizuvo javangeji kusoloka, kupwa mamembala na vyangocho. Vakiko vali nakumona kuhashiwa pamo kwiza nakupwa mbishopu mokomoko kupwa mukulwane wamunene, mokomoko chuma chimwe nge ngachize, kachi vakiko navaya nakupwa na liuka; kukana Visoneka, omwo Chize chapwilenga

kuze kulivakiko, na kwnjikiza chivene na Ngolo ja Kalunga, kaha na kuyoya cha Lizu lya Kalunga kuyoyela muli vathu. Ohonyi, vakiko kavazangile Chize ko. Vakiko vambile ngwavo, “Etu katwazangile kulifutula na Chize ko.” Nachiya nakumbata kati ya kulikata chavo. Echi nachiya na kumbata chiyulo cha kuliwana chavo. Ohonyi lunga wakushishika, nge lote, kutwama mu Satome, kutachikiza nge chize chakuhenga. Talenu? Talenu? Chuma muka vakiko veji kulinganga omwo vakiko veji kulinganga vize? Vakiko veji kulewisa luze lufwelelo lwalundende lue vakiko vatwama nalwo. Chize kacheshi kuhasa kuzatako.

<sup>134</sup> Jino, Mose kana chize, kaha ikiye ahakile...lufwelelo lwenyi lwakulehuka mukaye.

<sup>135</sup> Chipwe lufwelelo lwove naluya nakulehula upahu, mokomoko chipwa upahu nauya nakulehula lufwelelo lwove. Jino, ove watela kumbata umwe mokomoko mukwavo. Kaha enu namumona mu Mbimbiliya kayalumukako. Kalunga kalumukako. Ikiye apwa Kalunga wakuzeneka kwalumuka.

<sup>136</sup> Kaha jino etu tunawane, lelo, nge vathu valikumbi lyalelo, talenu, vakiko kutala ku vyuma vyavenene, chikungulwilo chachinene. “Ngwapandama ku *Munganji- mukananga*.” Talenu? Kaha vakiko vayile kuze, kaha, tala, kakweshi chihandwa kufuma mujila ya vathu. Kakweshi chuma chikwawoko. Vakiko vali nachinyingi cha chumachimwe, kaha nakutwalilaho. Omwo enu namuhanjika ha kuka cha Ukalunga, ize Panda ya Kakahya, chize Kumunyika cha Kalunga, vakiko ngwavo, “Chize chinapu kuzaluka.”

<sup>137</sup> Muthu umwe anonele chifwanyisa cha Kangelo ka Yehova, likumbi likwavo, umwe mukuzata mu Mbaputishitu, kaha asehele hali Chize. Talenu chize—chize kusaula. Talenu? Kakweshi kukonekela hali chize.

<sup>138</sup> Chize chikiko Yesu ahanjikile, talenu. Echi chinapu kasautu; omwo enu kutala hali Chize kulinga kuzachiwa vene muze Kulishitu alingile. Kaha Ikiye ambile ngwenyi... Omwo, vakiko vamwene kuzachiwa muli Kulishitu, Ikiye apwilenga Mulambu, kaha vakiko vamuvulukile Ikiye kupwa “Mbelezembule, liyavolo,” mwomwo, mwomwo Ikiye apwilenga nakuchilinga chize. Kaha jino vakiko vambile ngwavo...Ikiye ngwenyi, “Ngunakukonekele ove hachuma kana. Oloze omwo Shipilitu Wajila mwakeza nakulinga chuma chochimwe, ove kuhanjika kala lizu hal Chize, kaveshi kakukonekelako, mukaye kano mokomoko na mukaye muno mokomoko kaye nakakakezaho.” Talenu? Kupwa kaha lizu limwe kaha likiko ove muhanjikan hali Chize. Talenu? Kahajino...

<sup>139</sup> Mwomwo, kachi chize Chiyoyelo, kachi ove vanakutongola ku Kuyoya cha Hayamyaka, kahajino chize Kuyoya nachitotoka kachi ove muya nakumona Chize. Ove muya nakuchimona Chize,

nge kanyike wapwevo haze ha lishima, kaha—kaha veka nawa. Oloze kachi kacheshi ko, kacheshi kuhasa kwiza ku Kuyoya, mwomwo kakweshi chuma kuze chakwiza ku Kuyoya nachoko. Nge omu mama wakashinakaji apwilenga nakuhanjika, “Ove kaweshi kuhasa kufumisa manyinga mulihapwa,” mwomwo kakweshi manyinga muzeko. Jino, chize chinapu chuma chochimwe.

<sup>140</sup> Kaha cha lehushile luzu lufwelelo lwalundende ove ukwechi. Lote amwene chize upahu, oloze ikiye kapwile na lufwelelo lwakutamo kumona lwa kumona kakahya kaze nakaya na kwenyeka uze upahu kana.

<sup>141</sup> Ngunakomoka kachi etu tuli nawo, na lelo. Ngunakomoka kachi etu, chamwaza, kupwa pwevo uze natondo kupwa wapuho, uze natondo kulinga nge nge—nge vosena mapwevo muliuka, kachi vakiko navamona chize vanatondo ku—ku kulinga nge vosena. Vakiko—vakiko vanahase kumona kuhasa chakupwa nge—nge pwevo wamwaza, ha kupwa wakulipeta. Vakiko vanahase kumona pwevo wamwaza ha kusoloka ukweze, ha kuteula jikambu javo kaha kulinga nge vamwe veka, mokomoko tanganyika wakutambuka. Oloze Ngwalikomokela kachi chize chalewishile lufwelelo lwavo, kutachikiza chize nge kuhanjika cha Mbimbiliya chize, “pwevo alingile muze kala- . . . kala pwevo wakuzeneka kalemesa,” kaha, “pwevo kuhaka uvwalo wakupandama kuli lunga, chinapu unyengwe kumeso Kalunga,” tupakumuna, na vyangocho, na jiputula jize vakiko vali nakuvwala. Kaha—kaha echi chineza nakupwa chijililo palanga chineza nakupwa chijililo kuli vathu kuchilinga. Ngunalikomokela kachi vakiko navahona kulewisa luzu lufwelelo lwalundende luzu muli nalwo, na kuliuka, munamono. Chize chikiko chuma chatela kulinga.

<sup>142</sup> Lote alingile chize, kaha chize chamulehwishile ikiye, kaha chize chalewishile vathu kuze. Vakiko kavahashile kumona chizeko.

<sup>143</sup> Oloze Apalahama, na luzu—luzu lufwelelo lwakwinjikiza, lwa natwenyi, ikiye katalile hali uze upahu, ikiye atondele chumachimweko chakulinga nachize ko, chipwe ikiye apwilenga na kuyoya chiyoyelo chachikalu na kuyoyela hali ikiye. Kaha Sala kuyoyelo mu chipapa muze mwapwilenga kukaluhwa, ha mavu amunda. Oloze vakiko vamwene upahu mokomoko kuhasa cha kwiza na kupwa na puho.

<sup>144</sup> Sala, uze pwevo wamwaza muze mulifuchi, eyi Mbimbiliya yahanjika ngocho. Ikiye apwile wamwaza, wamwaza hamapwevo vosena. Kaha jino ikiye atwamine na kwononoka lunga lyenyi, kuheta nakukumuvuluka ikiye kupwa “mwata,” uze Mbimbiliya venyikako, kupwa mu—mu Tesitamende ya Yihya; ngwenyi, “Uze enu munapu vana venyi vmapwevo, nge

enu na mwononoka na kufwelela.” Talenu, kusanyika lunga lyenyi “mwata.”

<sup>145</sup> Kaha uze Kangelo ka Mwata kutambukila tembele na...mokomoko ize mbalaka yavo yayindende kuze, kaha kuvalweka vakiko. Vakiko kavahashile numba kupwa na zuvo yakuyoyelamo; kuyoyela mu mafuchi amunda. Kaha yenu aha. Enu mwamono lize likumbi lya kufwanyisako cheka nawa, nge omu chapwilenga jino?

<sup>146</sup> Jino, Mose na lufwelelo lwalunene, cheka, ahashile kuhanjika “nduma” kuvyuma viliko vya kano kaye, kaha nakupwa na kusakula chakwoloka. Ikiye kusakula kuyanda na vathu ja Kalunga. Ikiye kusakula kuya nacho. Mwomwoika? Lufwelelo lwenyi! Ikiye amwene luze lushiko. Ikiye amwene lwola lwamakumishilo. Ikiye amwene hamene, kaha ikiye echele lufwelelo lwenyi. Kaha ikiye kahashile kuhaka mangana ku vize meso eyi amwene mukhasa hano, nge ikiye apwile fwalo kaha apwile nakuya nakupwa fwalo. Ikiye atalile kulikumbi lya hamene.

<sup>147</sup> Mamalelo, kachi vathu navahasa kaha kulinga chize, kavamwene kaye kaleloko. Kachi enu namutala mukaye kalelo, enu namusakula na chize. Sweka meso ove kufuma kuli chize, na kutala ha lushiko lwa Kalunga, muhamene.

<sup>148</sup> Ha lufwelelo ikiye nahase kusakula. Ikiye ahashile kusakula kupwa mwana Apalahama, kaha akanyine kumuvuluka kupwa mwana Fwalo. Chapwile ngachilili na ikiye, ohonyi wangana wosena. . . Ejipitu yahashile kaye kosena. Ikiye apwile mwangana wa kaye, kaha apwile mukweze wa myaka ya fwote, wakulizanga kupwa ha litanda. Oloze ikiye katalile ha kuta- . . .

<sup>149</sup> Tala hali pwevo pamo apwilenga na ikiye, likumbi ha likumbi, lizavu lya mapwevo valuhali. Tala ha upahu; twama na kunwa waine, kaha tala kulizelula kumeso eyi, shimbu vapwilenga nakukina, kaha vamusehesele ikiye na. . . Kaha mapwevo kufuma kukaye kwosena, kaha vingelengele na upite, maswalale jenyi kuze. Chuma chimwe ikiye atela kulinga shina kutwama na kulya kulya chamwaza, na kuhanjika, “Kutuma na. . . kutuma jinambala jajinene *munganji mukananga* kushikumuka na *munganji mukananga*, kumbata lifuchi. Ngwafwelela Ngwatondo kaha chize.” Chize chikiko kaha ikiye atelele kulinga. Kutwama kuze, kaha vakiko kumusehesa, kaha ikiye kukwata kukanwa kenyi hululu; echa—uze wakuzanga, wamwaza wakulizelula wa likumbi lize, kuhingununa wala mukanwa, kulisa ikiye na kulya na mavoko avo hali ikiye, vosena mapwevo vamwaza va mukaye. Upahu wosena uzze wapwileko, wapwile vene kuze na ikiye.

<sup>150</sup> Oloze chuma muka ikiye alingile? Ikiye atalile kweka kufuma kuli chize. Ikiye atachikijile apwile wakulizanga hali chize. Ikiye atachikijile nge kufwa chili nakumuvandamina

muze mumukana. Talenu? Ikiye atachikijile nge mukiko vene. Kaha ikiye atalile kulizavu lya vakakutoleka kaha vathu vakukana, kaha ha lufwelelo ikiye asakwile kuyanda kutoleka cha Kulishitu, kaha alivulukile lyavene, “Ngwapwa mwana wa Apalahama. Kangweshi mwana wa ou fwalo ko. Chipwethuhu enu namungulingisa yami kupwa mbishopu, mokomoko mukakuzata muliuka, mokomoko mukulwane wavambishopu, mokomoko popu, Kangweshi mwana wachuma kanako. Ngwapwa mwana wa Apalahama, na kulihandununa amilyavene kufuma kuvyuma vya muno mukaye.” Amena, amena, kaha amena! Ha lufwelelo, kulinga chize!

<sup>151</sup> Ikiye afumishile uze upahu. Ikiye ambachile kuhasa cha kupwa mbishopu wakushisaho, ikiye ambachile chize—chize kuhasa cha kupwa mukulwane wa mambishopu, mokomoko kushisa mukulwane wavosena kukusakula chachiza, mokomoko kala chuma chapwile, ikiye afumishile chize. Ikiye akanyine kuswana chize.

<sup>152</sup> “Jino, kachi Ngwejile nakupwa mbishopu, Nanguya nakutambuka nakwingila kaha vathu ngwavo, ‘Tata wa Kujila,’ mokomoko—mokokoko ‘Ndotolo *Munganji mukananga,*’ mokomoko—mokokoko—mokokoko—mokokoko ‘Mukulwane *Munganji mukananga.*’ Omu vakiko navaya, vakuzata vosena kukukunguluka, vakiko navaya kuveta hali yami hanyima, na kuhanjika, ‘Kuhanjika, kanyike walunga, uze mukweze akwechi chumachimwe, Nguli nakukulweka. Mamalelo, shi-shi-shi, kutwalilaho, nomu ejile mbishopu, talenu. Chuma ikiye ahanjikile, luze lunapu lushimbi. Talenu, nomu ejile muze *Munganji mukananga.*’” Vathu navaya nakutuka helu lya kaye nakupwa... kumona popu, na kukisula vipundo na kazeya, na vyangocho. Omu, chize kuhasa cha Katolika, chize kuhasa chava Vakakulikanga, kupwa mbishopu mokomoko mukulwane wavosena, mokomoko chumachimwe, vamwe malunga vavanene muli lize lizavu.

<sup>153</sup> Kutala, chipwe, oloze, mumono, lize liso lya lufwelelo kutala helu lya chize. Kaha mwamono mukumishilo acho kuze, echi, Kalunga ahanjikile nge vyuma vyosena navaka vyenyeka. Lufwelelo, lize liso lya kwaze, kukuzundula helu lya chize, kaha enu kumona hamene, keshi leloko, kaha kusakula kumusanyika kupwa mwana Apalahama.

<sup>154</sup> Fwalo, na kuzeneka lufwelelo, kumona vana va Kalunga kupwa va “kuzaluka.” Kakweshi lufwelelo, ikiye avalingishile kupwa vandungo ikiye kazakamineko chuma muka ikiye ahanjikile. Ikiye kapwile na womako wa Kalunga. Ikiye ashinganyekele nge ikiye apwile kalunga. Ikiye ashinganyekele nge kalunga kenyi—kenyi uze azachililenga, nge ikiye apwilenga mbishopu, ikiye apwilenga mukulwane wa vosena, kalunga kenyi ikiye alingile vize. “Kakweshi Chuma chakulinga nganako *hano,*” shikaho ikiye avalingishile kupwa vandungo. Ikiye

avasehele, na kuvasekeleka. Shina nge omu valingile vathu lelo, chuma chochimwe vene.

<sup>155</sup> Mose na lufwelelo lwenyi amwene vakiko mulifuchi lya lushiko, vathu vakukisula. Echi chinahase kupwa chachikalu kuzunga hakuvahetesa ku lushiko, oloze Mose asakwile kuya navo. Nangupwa Ngachilihi hali echi, oloze lwola lwami luli nakuya. Talenu?

<sup>156</sup> Tachikizenu, echi chinahase kupwa chuma chachikalu kwalumuna vaze vathu. “Ove watela kuya nakuyoya navakiko, ove watela kupwa umwe wavo, kaha vakiko vapwile vakakutanga ove kaweshi kuhasa kuvendesako. Talenu? Oloze kwatela kupwa chuma chimwe chasolokele kuze. Kwatela kupwa ngolo jakalunga kusoloka kumeso avo. Echi nachiya na kupwa chuma chachikalu. Chize chikungulwilo nachiya kukuhonesa, kaha vyuma vyosena evi naviya nakusoloka. Ou—ou—ou unapu ukalu, chuma ove watela kulinga, oloze ove watela kusakula.”

<sup>157</sup> “Nguli umwe wavo.” Yaah. Lufwelelo lwenyi lwalinginga muze. Lufwelelo lwenyi lwa vyakumanga. Eyo, mwane. Ikiye amwene chize. Chapwile chuma chachikalu kuvatwala kulushiko, oloze ikiye ambachile kusakula nakuya navo, mwosena omwo. Chipwethuhu ngachilihi chuma valingile kuli ikiye, kaha vakiko vamukanyine, ikiye ayile. Ikiye apwilenga nakuya na vakiko.

<sup>158</sup> Jino Ngwatalilila enu muli nakutanga. Chosena chakwoloka. Yako navakiko, mwosena omwo. Lingisa, pwako umwe wavo, chize chakwoloka, mwomwo unapu mulimo wove. Chinahase kupwa kuzunga chachikalu, kaha vyavivulu vyakuhitamo, oloze yako kaha mwosena omwo.

<sup>159</sup> Oloze lufwelelo lwenyi lwamutwaminyinyine kumulingisa kusakula eli Lizu, keshi upahu ko. Ikiye asakile eli Lizu. Echi chikiko lufwelelo lwa Mose lwalingile. Nge lufwelelo nalutala kukwenyeka cha Kalunga. . . Anuka, hano hapwilenga upahu jino, kaze kaye, kakulitulaho, mwangana wa kaye. Kaha lushiko lwa Kalunga lwapwilenga kulihi? Mu wina wa mundambo, vakakutapula ndambo.

<sup>160</sup> Oloze omwo lufwelelo, omwo lufwelelo nalutala hamokomoko ha Kalunga, achimwene kupwa chachinene kaha chachilemu kuhambakana kuwaha cha kaye chinahase kusoloka. Eyo, mwane. Omwo lufwelelo nalutala hali chize, omwo lufwelelo lunahase kumona chize, omwo lufwelelo mu Lizu linahase kumona Lizu kusoloka, chize chinahambakana upahu wosena ukulwane wa vambishopu na vyuma vyosena vyeka ove unahase kuhanjika. Lufwelelo lweji kulinga echi. Talenu? Enu munahase kumona vyamokomoko, va kutoleka, va kukana, kalachuma unahase kupwa; echa chipwenga cha mokomoko, oloze lufwelelo naluya nakuhambakana tunda

ya jimiliyone helu kuhambakana kuwaha chinahase kaye kuneha. Amena! Muze mukiko mujila etu tweji kwimbanga uze mwaso, “Nanguya nakumbata jila na vavandende va Mwata vakutoleka.” Talenu? Mamaah, yami!

<sup>161</sup> Mwomwo, mwamono, lufwelelo kumona chuma Kalunga nalingi. Mamalelo, Ngunatalilila echi nachiya nakwingila. Lufwelelo kalwatala ha chuma chiliko lelo. Lufwelelo kalwamona echi *hano*. Lufwelelo lweji kutala kuchuma Kalunga atonda, kaha cheji kuzata mwakutela. Omu mukiko lufwelelo lweji kuzatanga. Lweji kumona omwo Kalunga atonda, kaha chuma Kalunga atonda kulinga, kaha lufwelelo lweji kuzatanga kuhichila muze.

<sup>162</sup> Lufwelelo lweji kumwena hahasuku. Kalwashikumwisa meso. Lweji kutala ha chumachivene. Amena! Kala mukakwasa wamwaza atachikiza echi. Talenu? Chize, chili hahasuku. Echi chili—echi chili nge telescope. Echi chili nge binocular, chize ove kaweshi kuhasa kutala na kujinguluka *hano*. Ove kaweshi kuhasa kuzachisa binoculars kutalisa lwola muka elu; talenu, ove kaweshi kuhasa kuzachisa chize. Oloze ove kuzachisa binoculars kutala hahasuku.

<sup>163</sup> Kaha lufwelelo lweji kuzachisa chize. Lufwelelo lweji kumbata binocular ya Kalunga, vyosena vivali, kusali josena, Tesitamende Yayihya na ya Mwaka, kaha kumona kala lushiko Ikiye ahanjikile. Kaha lufwelelo lweji kumona kusali, kaha lufwelelo lweji kusakula chize numbathuhu kala chuma chiliko lelo nachihanjika *hano*. Ikiye eji kutala kusongo. Ikiye kashikumwisa meso eyi hamavu na kutala hali *echi* mujila kana. Ikiye eji kutala kulutwe. Ikiye eji kulama haze haliwanyina mifunda hali eli Lizu. Muze mukiko lufwelelo lweji kulinganga. Luze lukiko lufwelelo luli muli muthu lweji kulinganga chuma kana.

<sup>164</sup> Jino tala. Chuma Fwalo avulukile, chize kusanyika, chuma Fwalo avulukile kupwa *chachinene*, Kalunga kuvuluka “chaunyengwe!” Fwalo ahashile kwamba ngwenyi, “Tala, Mose, hano, mwomwoika, ove mupwa swana fwalo. Ngwa—Ngwasuula ou mukakufunda kuli ove omwo Nangufuma hano. Nanguya nakusuula ou mukakufunda. Napu wove. Talenu? Jino, echi chinapu chumachinene. Ove uli nakuya nakupwa lunga wamunene, Mose. Ove muya nakuya nakupwa mbishopu. Ove muya nakupwa *echi*, *chize*, mokomoko *chikwavo*. Kanda kutuseza etu. Enu twamenu hano.” Oloze, munamono, ikiye asanyikile chize kupwa *chachinene*, kaha Kalunga ambile ngwenyi echi chinapu “chaunyengwe!”

<sup>165</sup> Jino, enu mapwevo shinganyeka munyutu kaha, shikaho, enu malunga. Chuma chize kaye vavuluka kupwa *chachinene*, Kalunga achivuluka kupwa “majilo.” Kumana Mbimbiliya kayahanjika, “Echi chinapu chaunyengwe hali pwevo



kuwala uvwalo wakupandama kuli lunga”? Kaha ove uli nakushinganyeka nge uli nakulinga vyuma vya mwaza hakulinga chuma kana. Talenu? Ove uli kaha nakusolola nyama ya pwevo kuli liyavolo, kaha mukiko kaha. Shikaho, kanda kuchilingako.

<sup>166</sup> Kaha enu malunga enu mweji kuyoyanga nge vakakaye, kaha kuungilako nakukakachila kuli chize! Kaha enu malunga vakuhona kuhamuka muli enu muli nakulingisa mapwevo jenu na vyuma kwecha kulinga echi, sonyi hali enu! Kaha namulivuluka kupwa vana va Kalunga? Kusoloka nge vaka satome kuli yami. Talenu? Keshi kukolesa kwivwa chenuko, oloze kumilweka Muchano. Zangi yapwa kulyolola. Yapwa ngocho lwola lwosena. Uze naye keshi kuhasa kumulama uze mwanako, na kumwolola na kumuveta mbanda, kaha nakumuhaka muvishinganyeka, ikiye keshi na usemi wapwevo hali echi. Echi chakwoloka.

<sup>167</sup> Jino, kaha tala chuma muka chinalingisa kusoloka jino. Mose amwene echi, ha chimweneo chenye. Kaha Fwalo ambile ngwenyi, “*Echi chinapu chachinene.*” Kalunga ambile ngwenyi, “*Echi chinapu chaunyengwe.*” Shikaho Kalunga... Mose asakwile muze ahanjikile Kalunga.

<sup>168</sup> Jino, tachikizenu, lufwelelo lweji kumona muze Kalunga atonda enu kumona. Talenu? Lufwelelo lweji kumona muze Kalunga eji kumonanga.

<sup>169</sup> Kaha kujinuoka na vishinganyeka vyeji kumonanga muze kaye keji kutondanga enu mumone. Tachikizenu kujinuoka, “Mwomwoika, echi chinapu kaha chishinganyeka chauthu. Echi chili kaha—kaha kujinuoka chize *echi*...*echi* chili... Chamwaza, keshi nge *echi* kaha na kuwaha?” Talenu? Echi chili vene, omwo enu namuzachisa vishinganyeka vize vili vya kulimbalaka na Lizu, talenu, kahajino chuma kaye kanatondo enu kumona.

<sup>170</sup> Oloze lufwelelo kalwalovoka hali chizeko. Lufwelelo lweji kutala kuvyuma ahanjikile Kalunga. Talenu? Munatachikiza, enu mbilenu kujinuoka.

<sup>171</sup> Mulonga, shishinganyeka cha kujinuoka, cheji kumoona chuma muka kaye kanatondo enu kumona; kuhohwa chachikungulwilo. Chamwaza, enu mwapwa Vakakulishitu?

“Mamalelo, Ngwapwa—Ngwapwa ka Pulishiteliyani, Mesondisiti, Luteleni, Pendekosita, kala mwosena omwo. Ngwapwa *echi*, *chize*, mokomoko mweka *mukwavo*, talenu.”

Chize, vize vishinganyeka.

“Ngwapandama ku liuka lyatete, mwamono. Mamalelo, Ngwapwa Mukakatolika. Ngwapwa—Ngwapwa *echi*, *chize*, talenu.”

Enu namuhanjika echi. Jino, vize, vize vishinganyeka. Enu mwazanga kuhanjika chize mwomwo chinapu chikungulwilo, chuma chimwe chachinene.

“Chamwaza, etu—etu—etu tukwechi vamembala vavavulu, pamo, kuhambakana kala liuka muno mukaye, talenu. Etu. . .”

<sup>172</sup> Oloze kuli kaha Liuka limwe lyamwenemwene, kaha enu kamweshi kuhasa kaha kulinungamo Ko. Enu mwatela kusemukamo mu Likiko. Talenu? Kaha kachi enu munasemuka mu Likiko, ou Kalunga wakuyoya mwazata Lyavene kuhichila muli ove, kaha mwalijimbula Lyavene. Talenu? Muze mukiko atwama Kalunga, mu Liuka Lyenyi. Kalunga eji kuyanga mu Liuka likumbi hi likumbi, kuyoyela kaha mu Liuka. Ikiye eji kuyoyela muli enu. Enu munapu Liuka Lyenyi. Enu munapu Liuka Lyenyi. Enu munapu Mbalaka ize Kalunga atwamamo. Enu munapu Liuka Iya Kalunga wa kuyoya, enu vene. Kaha kachi Kalunga wakuyoya ayoyela mu Vyenyi vya kuyoya, kahajino kuzata chenu nachipwa Kalunga; kachi kacheshi ngochoko, kahajino Kalunga keshi moko. Ikiye keshi kumilingisa enu kuzata nge ngachizeko, omwo Ikiye ahanjikile lize Lizu hano, Kufunda chenye, “Kanda kulinga ngachizeko,” kaha enu yenu mukalinge echi. Talenu, chize chinapu chakuhenga. Nge namukana echi, kahajino chinasoloka nge na Kuyoya kacheshi numba na muli enuko. Talenu? Echi chakwoloka.

<sup>173</sup> Lufwelelo lwamutwaminyinyine Mose kwononoka. Tachikizenu, Mose kulinga. . . Kuli Fwalo wakanyike, kuli Mose wakanyike, vosena vavali vapwile na lisesa. Mose amwene kutoleka hali vaze vathu, kuhambakana luheto lwosena lwapwilenga mu Ejipitu. Kaha ikiye, kutwaminyina ku lufwelelo, ikiye akavangijile lufwelelo lwenyi lwahanjikile mu lize Lizu, kaha lwatwaminyine ikiye mujila ya kwononoka, kaha makumishilo mu Upahu, uthu, wakuzeneka kufwa, Kumeso a Kalunga. Kumona na vishinganyeka, kutwaminyina, na upahu, kutwaminyina Fwalo kukufwa, kaha na kwenyeka Ejipitu, lifuchi lyenyi, kaha kachejile chekako kufuma haze.

<sup>174</sup> Haze jino. Tala hali *echi*, ove naufwa. Tala hali Chize, enu muli nakuyoyela. Jino sakulenu. Chize chinapu chuma chochimwe Kalunga kumuhaka kumeso Alama na Eve, mu milemba ya Etene. Talenu? Ha lufwelelo, ove watela kulisakwila.

<sup>175</sup> Jino tachikizenu, meso amutwaminyine Fwalo kukufwa, na kukwenyeka mbongi.

<sup>176</sup> Mose, na lufwelelo, kakwapwile numba na woma wa Fwalo. Talenu? Ikiye kalizakaminyine Fwalo mwahanjika ika. Ikiye kazakaminyine hali Fwalo, kuhambakana naye na ise kuzakamina vyakumuvwisa woma. Omwo Mose vamwijikijile kuli ikiye, kaha ikiye apwile muthu uze vasokwele mu Ejipitu. . . mokomoko Isalele kulovoka mu Ejipitu, ikiye kahashile

kuzakamina Fwalo mwahanjika ika. Ikiye kalizakaminyineko hali ikiye. Amena, amena, amena! Mwomono omwo Ngwatwale?

177 Kakweshi numba woma mu lufwelelo ko. Lufwelelo lwatachikiza chumakana. Lufwelelo, nge omu Ngweji kuhanjikanga lwola lwosena, echi chikwechi mishisa chachinene, na jikambu hatulo yenyi. Lufwelelo lwambile ngwalwo, “Hola kulu!” kaha muthuwosena holenu kulu. Chize chikiko kaha. “Ngunatachikiza oho Ngunemanyina!”

Vosena muli vakiko vahanjikile ngwavo, “Chamwaza, kahajino, pamo ikiye alingile.” Talenu?

178 Oloze enu mwatela kwimana na kusolola mishisa yovo. Mukiko kaha. Lufwelelo lweji kulinga ngachize.

179 Tachikizenu, Mose kevwile woma wa Fwalo hanyima ya Kalunga kwnjikiza kusanyika chenyi. Omwo Mose afwelele nge ikiye avulukile chize, oloze omwo Kalunga amulwekele ikiye muze, “Echi chili ngocho,” kaha kwiza na kusolola kumeso a Fwalo, kaha vosena muli vakiko, nge ikiye apwilenga wakutuma kulinga ngachize, Mose kevwile womako wa Fwalo.

180 Tachikizenu, Fwalo azachishile mangana eyi hali Mose, chipwethuhu. Tala. Ikiye ambile ngwenyi, “Nanguya nakumulweka chuma muka, Nangu—Nanguya nakulivwasana na enu.” Hanyima ya mawukalu analiyehi, ikiye ambile ngwenyi, “Nanguya nakupwa na chivwasano na enu. Enu kaha ha kulifukula chahcindende, makumbi atatu. Yako kaha kwakusuku, oloze kanda kuya kwakusuku.” Oloze, munatachikiza, va . . . Uze apwilenga Fwalo vishinganyeka vye mulwekele ngachize, talenu, “Enu yenu kaha, kaha kanda kuya kulutwe chekako.”

181 Katweshi na chuma kana leloko? “Kachi ove mulinunga kaha na liuka, chize chinapu vene chakwoloka.”

182 Oloze, munatachikiza, lufwelelo luze Mose apwilenga nalwo lwafwelela mu “mu” kulifukula. Ikiye ambile ngwenyi, “Etu tuli nakuya. Etu tuli nakuya mujila yosena.” Echi chakwoloka. “Etu tuli nakuya kulifuchi lya lushiko. Etu katweshi nakuya nakulovoka muno nakuya nakutunga chikungulwilo, na kwimana. Etu natuya nakuhita.” Amena. “Nguli nakuya kulifuchi lya lushiko. Kalunga etu shikile.”

183 Vangahi va Fwalo etu tuli navo lelo vanema ha kamenga, vatwamina ja vikungulwilo! “Jino, kachi ove mulinga kaha echi, nakulinga chize, mukiko kaha. Chamwaza, talenu, mukiko kaha.”

Oloze Mose ambile ngwenyi, “Mamalelo, nduma! Nduma, nduma! Nduma, nduma!” Talenu?

184 Fwalo ambile ngwenyi, “Chamwaza, mwomwoika? Kachi enu namuya nakupwa namuyachi kana wa kulifukula, Nanguya nakukulweka mwakulingila: Ove kaha na vakulwane

yenu nakulifukula, talenu. Ove kaha na vakulwane yenu nakulifukula. Mwomwo, enu vosena munahase kupwa namuyachi kana wakulifukula, oloze kanda kupwa mukachi ka vathu.”

<sup>185</sup> Munatachikiza omwo Mose ahanjikile? “Kakweshi numba lusende lwatela kusala munyima. Etu natuya tuvosenana mujila. Etu vosena natuya! Kangweshi kuyako kuvangila vakiko vakiko vanayi. Kaha, chikalu Nguli hano, Nguli kumavoko enu.” Amena. “Kangweshi kuyako kuvangila na vakiko vanayi, kaha mukiko kaha.” Mamalelo, chindume changamba kana! Amena. “Ngwatondo kuvambata hamwe nayami. Mwomwo kaha Ngukwechi echi, kaha Ngweji kutwama hamavu nakuhanjika, ‘Chamwaza, jino, *echi* chili chosena chakwoloka?’ Nduma, mwane. Etu twatondo vathu, nawa. Mutupwe tuli nakuya.” Amena. Ikiye ambile ngwenyi, “Etu katweshi kuya numba kuseza kala mukoko, mokomoko kalachuma, kunyima. Kakweshi kuya nakuseza numba sende kunyimako. Etu tuli nakuya kulifuchi lya lushiko.” Amena!

<sup>186</sup> “Etu vosena! Chipwethuhu mapwevo jenu, mokomoko chipwethuhu ove uli na—na ngamba wamundende wapwevo, mokomoko chipwethuhu ove unapu kashinakaji wapwevo, mokomoko mukweze walunga, mokomoko kashinakaji walunga, mokomoko kala mwosena omu wapwa, etu tuli nakuya, ngocho vene. Kakweshi kuya nakupwa umwe waetu kusala.” Amena. “Etu vosena tuli nakuya, kaha kweshi kuya nakwimanyina kalachumako.” Echi chakwoloka. Yami! Vize vya kulifukula vyapwilenga vene mukushimutwila, keshi ngochoko? Mamaah, yami!

<sup>187</sup> Nduma, Mose kafwelelele muli vize hanoko “kuya kaha” kulifukula. Nduma, ikiye kafwelelele muli chizeko. Huu-hu. Eyo, mwane. Mamaah, yami!

<sup>188</sup> Etu katweshi kuhasa kutwama likumbi lyosena hali echiko, oloze Ngwatela kuya kukutanga chami hanyima chindende nakuputuka kunangula.

<sup>189</sup> Tachikizenu, tachikizenu echi, omwo chawaha! Mamalelo, Ngwazanga echi. Munatachikiza, makumishilo, Fwalo ambile ngwenyi, “Lovoka!” Kalunga amuzangamishile, na lizu lya Mose. Ikiye avetele vyuma vyosena. Ikiye alingile vyuma vyosena vize ikiye alingile. Ikiye emanyine...ikiye ahakile musana kwishi, mukachi ka likumbi. Ikiye alingile vyuma vyosena. Ikiye—ikiye elavishile makumbi. Ikiye anehele vizunda, vajiji, vajina, vyuma vyosena, kakahya, wishi, na kufwa kuvisaka, na vyuma vyosena nawa. Ikiye alingile vyuma vyosena palanga, makumishilo, Fwalo nomu ahanjikile, “Lovoka! Mbatenu vyosena mukwechi, kaha muyenga.” Mamaah, yami! Kwalisa chipwenga kuli Kalunga!

<sup>190</sup> Ngunawahilila nge muthu nahase vene kuzachila Kalunga palanga ikiye, uze liyavolo, katachikijile mwakulingila naikiye. Echi chakwoloka. Shina onokele Kalunga mwosena palanga na liyavolo ambile ngwenyi, “Mamaah, yami, fuma yako! Kangwa—Kangwa zangile kwivwa cheka vya ngochoko.” Echi chakwoloka. Enu kamweshi kuhasa kuli chizeko, mwosenako.

<sup>191</sup> Talenu jino, kachi—kachi Kalunga kamwinjikijile Mose ko, kachi ejile nakupwa wakusehewa. Oloze Kalunga apwile wakwoloka kuze, kwinjikiza. Vyuma vyosena ikiye ahanjikile, vyejile nakuhita.

<sup>192</sup> Kaha Fwalo ahashile kukwachilila ku chihela chenyi, mwomwo ikiye apwilenga mbishopu, munatachikiza, shikaho ikiye—ikiye atelele kutwama kuze vene. Ikiye kahashile kukanako. Ikiye kahashile kwamba ngwenyi nduma, mwomwo chasolokele lyehi. Talenu? Ikiye kahashile—ikiye kahashile kukana chizeko, mwomwo chapwilenga lyehi na kusoloka. Shikaho makumishilo ikiye ambile ngwenyi, “Mamalelo, lovokenu kaha! Kangweshi nakuzanga kumivwa chekako. Lovokenu muno! Mbatenu vyosena mukwechi, kaha muyenga!” Mamaah, yami!

<sup>193</sup> Jino etu tunawane Mose, hano, hanyima ya Kalunga alingile vyuma vyavivulu na ikiye, kaha amulwekele ikiye vinjikizo na vikomwesa vyavivulu. Jino, muminyutu ya fifiteni, echa tutulike echi hano. Kaha tushishikenu kanawa. Mose ejile haze ha chihela haze ikiye . . .

<sup>194</sup> Kalunga ambile ngwenyi, “Nguli nayenu. Mazu enu anapu Lizu Lyami. Ngunachinjikiza kuli enu, Mose. Enu, omwo kwahonene kupwa vajiji mu lifuchi, chapwile kusali ya ngonde, kaha enu mwambile ngwenu, ‘Echa kwizenga va jiji,’ kaha kwejile vajiji.” Chize chapwile kutenga. Uze anahela milima ha mavu, oloze Kalunga? Ikiye ambile ngwenyi, “Echa kupwenga milima,” kaha kuze kwapwilenga milima. “Ove wambile ngwavo, ‘Echa kupwenga vizunda,’ kaha vizunda vayile nakuzuvo ya Fwalo, na mutuhela, kaha omwo vakiko vavalumbikile milumba milumba.” Tengi! “Kaha Ngunahanjika kuzachisa ove, Mose, kaha—kaha kulingisa Lizu Lyami kutenga kuhichila mumivumbo yove. Ngunakulingisa ove kupwa vene nge kalunga kumeso a Fwalo.” Eyo, mwane. “Ngunalingi vyosena evi.”

<sup>195</sup> Kaha hano vakiko vejile kuchihele, cheseko chachindende chejile, kaha Mose aputukile kulila, “Nanguya Nakulinga muka?”

<sup>196</sup> Ngwatondo enu mutachikize. Echi chinapu hakulinangwilaho hano jino. Ngwazanga echi, talenu. Talenu, Mose, kachi etu natutanga hano vene, muze Mo- . . . Omwo, vase vana vaputukile kulizakamina, vakiko vamwene Fwalo kuvakavangiza hanyima, mujila ya kuzata.

197 Kalunga azachile vyosena mwakukupuka. Jino Ikiye avaputukile vakiko haungeji wavo. Ikiye alingishile liuka kupwa hamwe. Vakiko vapwile vakusanyika. Vakiko vejile kufuma kukala chikungulwilo. Vakiko vosena vapwile hamwe. Mose ayile cheka kuze, kaha ambile ngwenyi, “Yehova, chuma muka Nangulinga?”

198 Ikiye ambile ngwenyi, “Chamwaza, yako mukalinge *echi*.” Chosena chakwoloka, twalilaho kuya. “Jino, Mose, munatachikiza Ngunakusanyika ove kulinga *echi*.”

“Eyo, Mwata.”

199 “Chosena chakwoloka, ove yako ukahanjike *echi*, kaha nachipwa ngocho,” nomu vejile vajiji. “Hanjika hali *echi*,” kaha nomu chejile. “Linga *echi*,” nomu chejile. Vyuma vyosena vyapwilenga MUKIKO MWANAMBE MWATA, MUKIKO MWANAMBE MWATA, MUKIKO MWANAMBE MWATA! Jino ikiye engilile muukalu . . .

200 Kaha Kalunga ambile ngwenyi, “Jino Ngwavaputukisanga lyehi ou ungeji. Vakiko vanapu lyehi vakulovoka. Eli liuka lili hamwe, shikaho Ngulinavo lyehi muli ou ungeji. Jino, Mose, avambachile nakuvazawisa. Ngunakulweke kulinga. Nguli nakuya nakutwama hamavu na kunoka chindende.”

201 Mose ambile ngwenyi, “Ove Yehova, tala kwiza, hano kwiza Fwalo! Vathu vali vosena . . . Chuma muka Ngwatela kulinga? Chuma muka Ngwatela kulinga?” Talenu kuze, kumana chili kaha kulivathu? Eyo, mwane. Kuputuka kulila, “Chuma muka Ngwatela kulinga?”

202 Hano etu tuli nakumona Mose kulisolola, kupwa vene muchisemwa cha uthu, lwola lwosena Kalunga atonda kupwa kunyima yove na kushinjika ove muchuma chimwe. Jino, mukiko etu lelo. Ove unatondo Kalunga, hanyima etu twamono vyosena evi etu twamono, oloze ove unatondo Kalunga kukushinjika kulinga chumachimwe. Talenu?

203 Mose azeyele chindende, ambile ngwenyi, “Kalunga, Nanguya nakuhula Ove, talenu chuma muka Ove muhanjika. Yaah, yaah, Ove unachihanjikanga. Chamwaza, chosena chakwoloka, Nanguya nakuhanjika hali *echi*, nawa.” Talenu?

204 Oloze hano Kalunga amutongwele ikiye hali uze mulimo, kwinjikiza nge Ikiye apwile nenyi. Kaha hano jino, ukalu wejile, kaha jino ikiye aputukile kulila, “Chuma muka Ngwatela kulinga? Mwata, chuma muka Ngwatela kulinga?”

205 Jino enu anukenu, ikiye tele napolofweta lyehi hano, mwomwo ikiye ambile ngwenyi, “Ava va Ejipitu muli nakumona lelo, kamweshi kavamona chekako.” Kaha jino hazevene kuputuka kulila nakutambakana, “Kalunga, chuma muka etu natulinga?” Talenu? Hanyima ikiye alingile mulimo wamwaza mukupolofweto muze. Munamono, ikiye alingile hali vakiko

chuma chatela kusoloka. Kachi Lizu lya Kalunga apwilenga muli ikiye, Echi chapwilenga muli ikiye. Kaha omwo ikiye apwile nakulweka chize, chejile nakuhita. Chuma ikiye ambile nge nachiya nakusoloka, kaha hano ikiye apwile na kulila, “Chuma muka Nanguya nakulinga?”

206 Mamalelo, kachi nge ikiye kapwile muthuko! Kachi kachapwile yamiko! Kachi kachapwile yamiko! Talenu?

207 Ikiye tele nachinjikiza lyehi, “Chuma ove muhanjika nachiya nakusoloka. Nguli na ove.”

208 Kaha hano ukalu wakatukile hazevene. “Chuma muka Ngwatela kulinga? Chuma muka Ngwatela kulinga, Mwata? Ehe, Mwata, kulihi uli Ove? Ehe, Ove uli nakungwivwulila yami? Chuma muka Nangulinga?” Kaha Ikiye tele namutongola lyehi ikiye, kaha namwinjikiza, kaha kumwinjikiza kaha kuzata vyuma vyosena kuhichila muli ikiye. Kaha hano, “Kalunga?” Mamaah, yami! Kuchisolola chivene, muthu atonda kunoka na kwecha Kalunga alinge vya kushinjika.

209 Kaha, ohonyi, ikiye atachikijile nge Kalunga namuwavisa ikiye hali uze mulimo kana, kulinga echi, kaha Kalunga apwile lyehi na kutonda cha kwinjikiza. Lwapwile lwola lwa vathu kupwa vakusokoka. Kalunga, kuhichila mu vikomwesa na vihanyamisa, vinavakoko vosena hamwe mulizavu. Enu muli nakungukavangiza? Chavanehele vakiko vosena hamwe mulizavu limwe, kwinjikiza kulivuluka chenyi. Chisoneka chahanjika ngocho; hano hapwile chinjikizo, hano hakiko hapwilenga chinjikizo, vyuma vyosena ikiye ambile. Kahajino ikiye ejile nakupwa mukachi kavo nge kapolofweto. Kala, kalachuma ikiye ahanjikile, Kalunga achivumbikile, numbathuhu kutenga na kuneha vajiji, kaha kuneha vyuma nakusoloka. Kaha vyuma vyosena vize Ikiye ashikile, hano Ikiye achilingile.

210 Oloze ikiye atondele kuvandamina ha MUKIKO MWANAMBE MWATA. Talenu? Ikiye atelele kutachikiza nge chize vene kwinjikiza cha kusanyika chize chapwilenga MUKIKO MWANAMBE MWATA. Mulimo wenyi uze vamutongwelele wapwilenga MUKIKO MWANAMBE MWATA. Munahase kupwa nacho echi? Hmm! Mwomwoika ikiye avandaminyine ha MUKIKO MWANAMBE MWATA?

211 Ikiye atondele, “Mwata, chuma muka Nangulinga? Hano Ngunanehe ava vana hano, nakuheta kuno. Hano hali ukalu, Fwalo ali nakwiza. Vakiko vosena vayile nakufwa. Chuma muka Ngwatela kulinga? Chuma muka Ngwatela kulinga?” Huu! Huu!

212 Ikiye tele napolofweta chuma muka vakiko navaya nakulinga ika. Ikiye tele navalweke lyehi muzevene nachiya nakupwa, kuchilinga. Ikiye apolofwetele swi nakusongo ya kala lifuchi lize vamukilishile. Ngwatalilila enu mwafwelela. Huh? Mose tele nahanjika lyehi, “Enu kamweshi kuhasa kuya

nakuvamonako. Kalunga ali nakuya nakuvenyika. Vakiko vanakusehe chikuma. Kalunga mwaya nakuvenyeka.” Ikiye tele napolofweta lyehi chuma muka nachikasoloka kuli vakiko.

<sup>213</sup> Kahajino, “Mwata, Chuma muka Ngwatela kulinga?” Talenu uthu wa muthu haze jino? Talenu? “Chuma muka Ngwatela kulinga? Nguli nakuya nakuvandamina hali MUKIKO MWANAMBE MWATA.” Eyo, mwane. “Nanguya nakutala chuma muka Mwata mwahanjika, kahajino Nanguya nakuchilinga.” Huu!

<sup>214</sup> Anuka, kwapwilenga fwalo apwileko uze katachikijile Yosefwa ko, munatachikiza, mulwola kana, halwola kana. Talenu? Talenu? Kaha Mose emanyine hazevene na kupolofweta makamushilo alize lifuchi.

<sup>215</sup> Kaha ikiye apwilenga ha chihela kana haze chapwilenga nakusoloka, kahajino ikiye himwalila, “Chuma muka Nanguya nakulinga, Mwata? Chuma muka Nanguya nakulinga?” Talenu? Kumana uze kaweshi uthuko? Kumana uze kaweshi uthuko? “Chuma muka Ngwatela kulinga?” Huu!

<sup>216</sup> Ikiye chize, achipolofwetele lyehi. Kalunga avumbikile vyuma vyosena ikiye ahanjikile, kaha ikiye apwilenga wakusemukile mulimo kana, shikaho mwomwoika ikiye ahanjikile ngachize, “Chuma muka Ngwatela kulinga?” Kwatondekele chuma; chize chapwilenga jino kuli ikiye kuhanjika hali chize. Kalunga atondele Mose kuhaka uze wana wa lufwelelo, uze Ikiye amuhanyine ikiye, kachi uzate. Kalunga awinjikijile. Nge wapwilenga Muchano.

<sup>217</sup> Kaha Kalunga atondele Mose, atondele vathu, kumona nge Ikiye apwilenga na Mose.

<sup>218</sup> Kaha ikiye, kunyima kuze, ikiye avandaminyine: Ahanjikile ngwenyi, “Jino, Mwata, Nguli kaha kamba, echa Ove ungulweke jino. Yaah, Nanguya nakulinga *echi*. Ngukwechi MUKIKO MWANAMBE MWATA.”

“Ndumbu walunga, echi chikiko MUKIKO MWANAMBE MWATA?”

“Eyo, eyo, Ndumbu walunga Mose, chikiko MUKIKO MWANAMBE MWATA. Yaah.”

“Eyo, etu tuchikwechi jino, MUKIKO MWANAMBE MWATA.”

<sup>219</sup> Kaha chasolokele. Kanda lyehi ahone lwola lumwe. Kanda lyehi ahone.

<sup>220</sup> Kaha hano chinapu muukalu, kwiza cheka. Jino Ikiye amukwachilile ha ungeji. Lize liuka linalovoka lyehi, avakwachilile ha ungeji, kaha vakiko tele valinakwenda. Kaha Mose aputukile kulila, “Mwata, echi chinapu MUKIKO MWANAMBE MWATA? Chuma muka Ngwatela kulinga?” Chosena chakwoloka.



221 Kalunga atondele Mose kupwa na lufwelelo, luze Ikiye ahakile muli ikiye, muze muli uze wana uze Ikiye hatoma too kaha—kaha nenjikiza. Kalunga nenjikiza lyehi Mose na vathu nge Ikiye apwilenga navo, ha eli Lizu na havyuma vize apwilenga nakuhanjika kwiza nakusoloka. Chize chejile nakupwa chakwinjikijiwa. Kwapwilenga nakutondeka ikiye chekako nakulizakamina hali chize ko. Talenu? Kakwapwilenga chekako ikiye kushinganyeka kalachuma hali chizeko, mwomwo chapwile chakulumbunuka lyehi. Ikiye achilingile lyehi kulinga vyuma kana. Kaha ikiye achinjikijile lyehi, na vaji na va mbwangala, kaha ahanjikile vyuma kupwa mukutenga, nge Lizu lya Kalunga lyapwilenga muli ikiye.

222 Shikaho hano jino mwaya nakuhula jino chuma muka atela kulinga, nge maukalu ali kulutwe lwenyi. Talenu? Mamaah, yami!

223 Ngwatalilila echi kuya lika mbwe na kuli etu, kaha etu tuli nakuhona kumona etu tuli kulih. Talenu? Kacheshi nakumilingisa enu kwivwa hali *chize* kutohwako? Kushinganyeka hali Mose kwambulula mulonga wenyi, kaha kutala hali etu. Yaah. Talenu?

224 Hano ikiye apwilenga, nemana haze, nakutala, kutachikiza nge chize Chisoneka ahanjikile chize chize lwapwilenga hi ola na likumbi chize kusoloka, kaha kutachikiza nge Kalunga aliwanyine nenyi mu Panda ya mulangi wa Kakahya. Kaha Chize chayile mbwe na kumeso a vathu na kuzata evi vikomwesa. Kaha vyuma vyosena ikiye ahanjikile, nge nachikaya nakuhita, kuheta nahakuneha vyuma mukutenga. Kuzata vyuma kaha vize Kalunga ahashile kulinga, kusolola nge lizu lyenyi lyapwilenga Lizu lya Kalunga.

225 Kaha hano hapwilenga ukalu na vaze vathu vaze apwilenga naku kulisa, kuvaneha kulimbo lya lushiko, kaha jino apwile nemana, na kulila, “Chuma muka Ngwatela kulinga?” Uze wapwilenga uthu wa muthu, kutonda kaha. . .

226 Nge Ndumbu walunga Roy Slaughter, Ngwafwelela ikiye natwame kuze kuweluka wa chikolo, kungulweka lwola lumwe, hali muthuumwe kulinga chuma chimwe hali yami. Kaha Ngwambile ngwami, “Chamwaza, Ngwalingile *echi*, kaha jino chize.”

227 Ikiye ambile ngwenyi, “Ndumbu walunga Branham, echa vakiko vakundamine hachifwiji chove lelo, kaha hamene ove muvatulika.” Kaha eyi ikiko kaha jila uthu wa muthu wapwa. Kukundamina ha chifwiji chove lelo, kaha hamene ove kuvatulika.

228 Mukiko kaha, mukiko apwilenga nakulinga Mose. Kalunga apwilenga nakumutulika hanyima ya Ikiye kupwa wakutongola na kwinjikiza kulinga chize. Kaha vathu vatelele kuhanjika ngwavo, “Mose, hanjika lizu. Ngwakumwene ove kuchilinga

*kuze*. Kalunga akuvumbikile kuze, kaha ove uli youmwe na lelo.” Amena. Talenu? “Chilinge echi!” Amena. Ikiye atelete kutachikiza chize, oloze ikiye kachilingeleko. Chosena chakwoloka. Nge muze chapwilenga vene, mukiko chili jino. Etu tunawane nge, chize. Shikaho Ikiye ambile ngwenyi, “Kuha-...”

<sup>229</sup> Kalunga akwechi vya kutamo hali echi. Kalunga atelete uno kuzeya hali chize. Ikiye ambile ngwenyi, “Mwomwoika ove uli nakulilila kuli Yami hali echi? Kumana Kangwa Linjikijile lyehi? Kumana Kangwakulwezele ove nge Ngwakutumine ove hali ou mulimoko? Kumana Kangwalwekele ove kuya nakulinga echi ko? Kumana Kangwakushikile nge Nangukalinga echiko, nge Nanguya nakupwa na kanwa kove, kaha Nanguya nakuhanjika kuhichila muli ove kaha Nangukalinga echi, kaha ove mukaya nakusolola vinjikizo na vihayamisa ko? Kumana Kangwalishikile kuli chize ko? Kumana keshi yami Ngwalingile chizeko, na kwenyeka kala mukakole kufuma kuli oveko? Kaha hano ove uli nakwimana hano jino, ha Kalungalwiji Uchila, mumukana wa mulimo, chuma muka Ngwatela kulinga, kaha jino hanga uli nakutambakana na kulila kuli Yami. Kumana kawangufwelelako Yami? Kaweshi nakumona chuma muka Ngwakutumina ove kulinga echi?” Mamalelo, kumana ou kaweshi uthuko! Yami! Shikaho Ikiye atelete kupwa wakulongejeka jino kanawa.

<sup>230</sup> Kaha Ikiye ambile ngwenyi, “Munatachikiza nge mwatondeka echi. Unatachikiza nge ove muya nakumbata ava vana nakuvatwala kulifuchi lya lushiko, echi chili chakwoloka, ove unapatama muno mumbango, kakweshi chuma chimwe enu munahase kulingako. Shikaho kuli chuma chinatondeka. Chuma muka uli nakulilila kuli Yami hali echi? Chuma muka uli nakutonda kuli Yami? Chuma muka ove uli nakusanyikila Yami hali echi? Kumana Kangwachinjikijile kuli vathu ko? Kumana Kangwachijikijile kuli ove ko? Kumana keshi Yami ngwakusanyikileko? Echi kachapwile Chisonekako? Kumana keshi Yami ngwakushikileko kumbata ava vathu kulifuchi lize ko? Kumana keshi Yami ngwakusanyikileko na kukulweka nge Nanguya nakuchilinga ko? Kumana Kangwakusanyikile na kuhanjika Ngunakutumumu ove kulinga echiko, keshi oveko, apwile Yami? Kaha Nanguya kaha Nanguya nakupwa hamwe na mivumbo yove, kaha kala chuma ove muhanjika, Nanguya nakwinjikiza echi. Kumana Kangwachilingileko?”

<sup>231</sup> “Kahajino, omwo kala chuma chachindende nachiza, mwomwoika uli nakulinga nge kemba? Ove watela kupwa lunga. Hanjika kuli vathu,” amena, “kahajino yako kulutwe!” Amena. Enu haze. “Kanda kulilako. Hanjika!” Amena. Mamalelo, Ngwazanga chize. “Mwomwoika ove mulilila kuli Yami hali echi? Hanjika kaha kuli vathu kaha vayenga kulutwe nge omu wajinanga. Chosena omwo chili, kachi chili kuviza, mokomoko

chosena omu chili, kusangula vafu, mokomoko chosena omwo chili, hanjika! Ngunejikiza echi. Hanjika kuli vathu.”

<sup>232</sup> Kulinangula muka! Kulinangula muka, mamaah, yami, ha seteko yaungeji kana hano tunahete. Tala oho tuli etu jino, eyo, mwane, ha Kukoka Chitatu. Tachikiza, etu tuli vene hano ha chikolo, cha Kwiza cha Mwata.

<sup>233</sup> Ikiye apwile wakuwavishila ha mulimo kana, kaha hanga ali nakuvandamina MUKIKO MWANAMBE MWATA. Kalunga apwile na vya kutamo hali chize. Ikiye ambile ngwenyi, “Kanda kuli chekako. Hanjika! Ngwakutumine.”

<sup>234</sup> Ove Kalunga, chuma muka eli Liuka lyatela kupwa na chimene chino! Na kwinjikiza cha kukupuka cha Kalunga, na Panda ya mulangi wa Kakakahya na vinjikizo na vihanyamisa, vyuma vyosena kupwa nge omu chapwilenga mumakumbi a Satome. Ikiye ambile ngwenyi nachikeza cheka.

<sup>235</sup> Hano eka kaye mukiko museteko kali. Kuli lifuchi muli eyi seteko. Kuli mapwevo muli eyi seteko. Kuli malunga muli eyi seteko. Kuli eli liuka muli eyi seteko. Kuli vyuma vyosena. Evi vyuma kana, vinjikizo, makina amuutangatanga na vyuma vyosena muutangatanga, kaha vyuma vya kala muyachi vyuma vya kukomwesa, kaha kalungalwiji kukinduka, makimba, michima ya vathu kunyowa, na woma, lwola lwakusushisa, maukalu mukachi ka mafuchi, liuka kuholoka.

<sup>236</sup> Kaha uze muthu washili kukatuka, uze alikatula lyavene helu lya vyosena; hali uze vavuluka kupwa Kalunga, uze atwama mu tembele ya Kalunga, kulisolola lyavene, mamaah, yami, kaha neza kuli eli lifuchi. Kaha eli liuka linalivwasana, kaha vosena vanakunguluka hamwe, nge mahule kuli lihule wamunene, kaha vyuma vyosena mujila ya uhule.

<sup>237</sup> Uhule, chuma muka echi? Kulweka mapwevo nge vateule jikambu javo, kulweka mapwevo nge vavwale jiputula, kulweka malunga nge valinge *echi* kaha vakiko vahase kuli *chize*; kaha vakakunangula, nge valinge *echi*, na mujimbu wamwaza wakulifwana nakaye na vyuma kala. Kamwamweneko, chinapu kulinga ujila na Lizu lya muchano wa Kalunga!

<sup>238</sup> Kaha Kalunga natutumina etu Lizu Lyenyi lya muchano, keshi lya muchikungulwiloko, lya kuzeneka numba lungoji kuli Chize, kaha kutuhana Panda ya mulangi wa Kakahya, uze Shipilitu Wajila uze napunga jino na etu mu myaka seti. Kaha vyuma vyosena vize Ikiye apolofwetele na kuhanjika, vyejile nakusoloka mujila vene ize Ikiye alingile.

<sup>239</sup> Hanjika kuli vathu, kaha echa vayenga kulutwe. Amena. Etu tukwechi pungu, ize yinapu Upahu. Echa tunambuke Nayo. Etu tuli nakuya ku Lifuchi lya lushiko. “Vyuma vyosena vinashiwa kuli vaze navafwelela.” “Hanjika kuli vathu. Kumana Kangwachinjikijileko? Kumana Kangwahakilehoko chifwanyisa Chami mukachi kenuko, kaha na vyuma vyosenako, kaha

kulinga vyuma vyosena vize vyatela kulinga, kwinjikiza nge Nguli na ove ko? Kumana mangajinyi, milungu kaha yayindende hanyima okwo, yasololanga chizeko, omwo ove wahanjikanga hano mukamenga chuma muka nachiya nakusoloka, kaha tukweji vatatu shimbu kanda, kaha chejile nakusoloka kaha kwinjikiza? Numba sayasi yatachikiza hali chize. Kaha vyuma vyosena Ngunalingi, kaha ove hanga uli nakuvandamina. Hanjika kuli vathu kaha vayenga kulutwe kutesekesa na pungu yove.” Amena.

<sup>240</sup> Kumana Natane kamulwekele Ndavichi ko? Natane, uze kapolofweto, lwola lumwe kutwama, kumona Ndavichi mwangana wakuwavisa, ikiye ambile ngwenyi, “Linga vyosena vili mumuchima wove, mwomwo Kalunga ali na ove.” Mulweke Ndavichi, “Linga vyosena vili mumuchima wove. Kalunga ali na ove.”

<sup>241</sup> Yoshiwa apwilenga wakuwavisa kumbata lize lifuchi lya Kalunga na vathu. Lize likumbi lyapwile lyalihi. Ikiye atondele lwola lwalunene mwomwo ya mulimo uze ikiye apwile wakuwaisa kaha vamutumine kulinga. Yoshiwa, uze muthu, ikiye apwilenga wakuwavisa. Kalunga amulwekele, “Nge muze Ngwapwilenga na Mose, Nanguya nakupwa na ove.” Amena. “Lize lifuchi, Nanguya nakumihana lyo vakiko. Kaha Ngwatondo enu muyenga kuze na kuvafumisamo va Amalake, na—na Havi-...Vosena—vosena veka nawa, va Fwilishite na—na va Peliji, na vosena vakuhandunuka handunuka, mukavafumisemo. Nguli na ove. Nanguya na...Kakweshi muthu mwaya nakwimanako kumeso enu, mukumbi enu osena akuyoya chenu. Kakweshi numba umwe mwakamitangika. Yako kaha muze vene.”

Kaha Yoshiwa asolomwene poko yamukwale na kuhanjika, “Ngukavangize yami!”

<sup>242</sup> Kaha ikiye ayile kuze, kaha haze vene apwile nakuzunga. kaha chuma muka chize? Ikiye avwunyine uze mukakole. Vakiko vapwile mikuta *hano* na mikuta yayindende *haze*. Omwo ufuku wejile, vakiko vayile nakupwa hamwe nakulikungulula hamwe, kaha vejile nangolo chikuma hali ikiye. Kaha musana wapwile nakuya nakushikumuka. Ikiye atondele kumunyika. Uze musana wapwile nakuya nakushikumuka. Ikiye kaholokele hamambuli eyi ko na kuhanjika, “Mwata Kalunga, chuma muka Ngwatela kulinga? Chuma muka Ngwatela kulinga?” Ikiye ahanjikile! Ikiye apwile na chuma chakutondeka. Ikiye ambile ngwenyi, “Musana, imana kulu!” Ikiye katetele ha kala chumako. Ikiye ahanjikile, “Musana, imana kulu! Ngunakutondo hali echi. Ngwapwa ngu ngamba ya Mwata, wakuwavisa hali ou mulimo, kaha Ngunautondo. Imana kulu, kaha kanda kumunyikako...Kaha, kakweji, ove pwako vene oho uli,” palanga ikiye nomu azungile ize jita kuhita nakuveta chuma chosena hamavu. Kaha musana wamwononokele.

243 Kakwapwilenga kuteteko. Ikiye ahanjikile ku musana, ambile ngwenyi, “Ove imana kulu. Musana, imana oho! Kaha, kakweji, twama vene okwo uli.” Ikiye kalilile, “Mwata, jino chuma muka Ngwatela kulinga? Nguhane kumunyika cheka.” Ikiye atondele kumunyika, shikaho aulwekele, kaha musana wanonokele ikiye. Mamaah, yami! Ikiye aulwekele musana kwimana kulu.

244 Samasoni, wakuwavisa, kukatula, waktongola kuli Kalunga, kuhana wana wa ngolo, apwile waktongola kwenyeka lifuchi lya wa Fwilishite. Kutongola, kusemuka ha mavu, kutongola cha Kalunga, kwenyeka va Fwilishite. Kaha likumbi limwe vakiko vamukwachile ikiye kulovoka muwande, chakuzeneka poko yauvela kuvali, chakuzeneka likunga. Kaha masauzande ya maswalale ja Vafwilishite kulaha kwiza hali ikiye lwola lumwe. Kumana kayile na kuhanjika, “Ove Mwata, Nguli nakuvandamina chimweno. Ove Mwata, chuma muka Ngwatela kulinga? Ngutetekele jino chuma chakulinga”? Ikiye atachikijile nge ikiye atondele. Ikiye kawanyine chuma chimwe ko shina chimbangi cha chimbulu chamwaka, kaha ikiye kuvetesa masauzande ja Vafwilishite. Amena!

245 Ikiye kalilile ko kuli Kalunga. Ikiye azachishile wana wakuwavisa. Ikiye atachikijile nge ikiye apwile waktuma ha mulimo. Ikiye atachikijile asemukilile chize. Ikiye atachikijile apwile wakuwavisa na wana, kaha ikiye kuveta masauzande ja Vafwilishite. Ikiye kalilile kuli Kalunga. Kalunga amutongwele na kumwinjikiza nge ikiye apwile, ha vyuma vyeka nge omu alingile. Kaha ikiye apwile wakwinjikiza, ngamba ya Kalunga wakuwavisa, mangana kwenyeka Vafwilishite, kaha ikiye achilingile. Chipwethuhu kala chuma chapwile, ikiye alingile chize. Ikiye kahulile chumachimweko. Uze wapwile mulimo, nge Kalunga apwile nakuzachila kuhichila muli ikiye, kumbata chifuwa cha chimbulu na kuya nakuveta Vafwilishite. Omu va . . .

246 Mwomwoika, kulinga na chuma chimwe, kuhita hali vakiko chimbwa na chimbwa cha chikola cha unengu nge *ngachize*, atelele kuchika chize chifuwa muvhanda vya miliyoni. Kaha ikiye avetele masauzande avakiko hamavu, na kuvajiha, kaha hanga emanyine nacho mulivoko lyenyi.

247 Kahulile vihula ko. Ikiye kalilileko. Ikiye ahanjikile. Ikiye ajikwile. Mamaah, yami! “Mbata Vafwilishite, kaha Ngunahase kumbata Vafwilishite, Mwata? Nguna—Ngunatachikiza Ove wangutumine kulinga chize, Mwata. Eyo, Mwata, Ngunatachikiza Ove wangutumine kwenyeka lino lifuchi lya Vafwilishite. Jino hano, sauzande ya vakiko kungujinguluka, kaha Kangwapwile na chumako. Chuma—chuma ami Nguli nakuya nakulinga jino, Mwata?” Mamaah, yami! Kakweshi chuma chili nakuya nakungukatalisa ko. Ikiye apwile wakuwavisa hali uze mulimo kana. Kakweshi chuma chinahase

kukulemeke ko. Nduma, keshi numba chuma chimweko. Haleluya! Ikiye ambachile kaha chuma chize ikiye apwilenga nacho nakuveta muli vakiko. Echi chakwoloka.

<sup>248</sup> Omwo uze mukakole amujingulukile, ambile ngwenyi, “Jino etu tumupandamise kujimbango, etu twamukwate jino. Etu twamukwachila mukachi na ou pwevo. Jino etu natusoka kuchikolo, kwosena, kaha ikiye mwahona kulovoka. Etu twamukwate.”

<sup>249</sup> Samasone kalilileko, “Ove Mwata, vanangukwate vanaguhake muchipato cha chikungulwilo.” Huu! “Hu, chuma muka Ngwatela kulinga? Ngunalinungu navikiko. Chuma muka Ngwatela kulinga?” Ikiye kalingile ngachizeko.

<sup>250</sup> Ikiye alovokele kaha, na kutukula chize chikolo, na kuchihaka ha chifwiji chenyi, kaha kutambuka nakuya nacho. Amena! Ikiye apwile wakuwavisa hali uze mulimo. Ikiye apwilenga wakusanyika kuli Kalunga. Kavashile kumuhaka muchipatoko. Nduma, mukiko vene! Ikiye ambachile chize chikolo na ikiye hamwe. Ikiye kalombe hali chizeko. Ikiye kamuhulile Kalunga nge achilinge nyi chiku. Chize chapwilenga mujila ya mulimo. Amena, amena, amena! Hazevene mujila ya mulimo. “Mwomwoika naulila kuli Yami? Hanjika, kaha twalilaho kuya!” Amena! “Kanda kulilako. Hanjika!” Ikiye achele kuwoza na kuteta jino. Watela kupwa wakukula wakuhasa kuhanjika. Echi chakwoloka. Ikiye atachikijile wana wenyi wakuwavisa na ngolo jinahase kwenyeka kala ka Fwlishite wose amanyine kumeso eyi. Amena.

<sup>251</sup> Oloze etu tunahono kutachikiza chize, mwamono. Etu hanga vakemba vavandende, na mutumwa mukanwa.

<sup>252</sup> Ikiye atachikijile chize, ikiye atachikijile nge Kalunga amukwatwile ikiye hapunga kana, kaha kakwapwile chuma chakuya na kwimana kumeso eyi ko, makumbi eyi osena akuyoya. Chauchi chashile kumwenyeka ikiye. Ikiye apwile wakukatwila pungu kana, nge omu apwilenga Mose. Kwauchi chakumwimika. Kwauchi va Maleke mokomoko chuma kala chashile kumwimika ikiye. Ikiye apwile mujila yakuya kulimbo lya lushiko. Samasone atachikijile apwilenga mujila.

<sup>253</sup> Yoshiwa atachikijile nge ikiye apwilenga nakuhanjika halize lifuchi. Ikiye apwilenga wakwinjikijiwa. Lizu lya Kalunga lya shikile echi, kaha Shipilitu Wajila apwile ko kuze na kwinjikiza chize.

<sup>254</sup> Ikiye apwile mujila yenyi, shikaho kuze kakwapwile chuma chimweko cha kwimana mujila yenyi. Nduma, mwane. Haze vene mumukana wa mulimo, na Kalunga, kakwapwile chuma chakumwimanyina ikiye mujilako. Shikaho ikiye ambachile kaha chize chikolo na kuchihaka ha chifwiji chenyi, chakulema pamo fwo mokomoko faifi tons, kaha atambukile helu lya pili na kutwama hajikiko. Kakweshi chuma nachiya nakwimana

mujila yenyi. Ikiye apwilenga na wana wa kuwavisa kufuma kuli Kalunga. Ikiye katelele kulilako, “Mwata, chuma muka Ngwatela kulinga jino?” Ikiye apwilenga vene wakuwavisa kulinga chize. Mukiko kaha chapwile MUKIKO MWANAMBE MWATA, “Vafumise muli vakiko!” Haleluya! “Vafumise muli vakiko! Ngunakukatwila pungu kana.” Amena.

255 “Chuma muka Ngwatela kulinga, Mwata? Eyo, chuma muka Ngwatela kulinga hano ha Kalungalwiji Uchila?”

256 “Kumana Kangwakulwekeleko nge Nangukuhana ove pili kupwa chinjikizo hano? Ove uli nakwiza cheka kuli ize pili, kaha ove uli nakutwala vana kulifuchi. Kumana Kangwasanyikile ove hali ou mulimo kanako? Chuma muka ove unalizakamina hali kalachuma cheka kwimana mujila? Hanjika, kaha putuka kutambuka!” Amena kaha amena! “Yaa, Ngwakusanyikile hali ou mulimo kana.”

257 Ndavichi, ikiye atachikijile nge apwile wakuwavisa, kaha apwilenga wakuwavisa kupwa wakutelamo. Ikiye atachikijile nge vakiko vatachikijile nge apwile wakutelamo. Ndavichi apwilenga wakuwavisa. Ikiye atachikijile chize. Kaha omwo ikiye emanyine kumeso a Ngolyate, ikiye kalilileko, “Ove Kalunga, chuma muka Ngwatela kulinga jino? Vandamina, kumana Ngwa—Ngwa...Ngunatachikiza chuma muka Ove walingile lwola lwakunyima. Ove, Ove mungwecha yami kujiha vuli, kaha Ove mungwecha yami kujiha uze nduma. Oloze ngachilihi ou Ngolyate hano?” Huu! Ikiye kalinge chizeko. Ikiye ahanjikile kaha. Chuma muka ahanjikile? “Ove mupwa nge vakiko omu vapwilenga...?...” Ikiye ahanjikile kaha eyile kulutwe.

258 Ikiye kalombele nakulombako. Ikiye kalingile nachuma chimweko. Ikiye atachikijile apwile wakuwavisa. Amena. Ikiye apwile wakuwavisa, kaha aze malekenyi enjikijile kupwa chuma chakutamo. Ikiye apwilenga na lufwelelo mukuwavisa chenyi. Ikiye apwilenga na lufwelelo muli Kalunga lwakuhasa kutwaminyina lize lilolwa kulisungamisa hakachi cha lize litepa vene, mukiko kaha muchihela chimwe lyahashile kwingila. Ikiye apwile hanga nemanyina haze.

259 Ikiye atachikijile chapwile kwasa chevene. Amena. Ikiye atachikijile nge Kalunga amutangilile chuma kana. Amena. Ikiye atachikijile nge ajihile ndumba, ikiye atachikijile nge ajihile mulusu, oloze chize chapwilenga na luheto lwa ise wahamavu. Hano jino na luheto lwa Ise wa Mwilu! Amena. Ikiye katwamine hamavu, “Kutela... Chuma muka Ngwatela kulinga jino, Mwata?” Ikiye ahanjikile kaha ambile ngwenyi, “Ove naupwa nge ndumba na uze mulusu, yami owo Nangwiza.” Amena! Upahu kuli Kalunga! Eyo, mwane. Ikiye ahanjikile kaha ayile kulutwe nakuliwana na Ngolyate. Mamaah, yami!

<sup>260</sup> Kazakamine chivwuvwu chenye! Ikiye apwile wamundende, kumutala nge mukweze wamanya, munatachikiza. Ikiye kapwilenga wamuneneko. Ikiye apwilenga wamwaza kumutala, wamundende mukweze wakulizanga. Eyi Mbimbiliya yamba ngwavo ikiye apwile wa manya. Jino, chipwethuhu na chivwuvwu chachindende na chize vavuluka ngwavo ngolo jakuhasa kulinga.

<sup>261</sup> Munatachikijiza, va—va mbishopu vamulwekele ikiye, ngwavo, “Jino tala kuno, ove mwana, uze napu lunga wakanunguka. Talenu, ikiye apwa mukakuzunga. Ikiye asemukile kupwa mukakuzunga kaha ikiye apwa...Ikiye napunga mukakuzunga, kufuma muukweze wenye; kaha ove kaweshi chuma kuli ikiyeko.” Kaha vandumbwenyi vambile ngwavo, “Mamalelo, ove wakulivwimba, uneza kuno mangana ulinge chuma kana changachize, kinduluka kwimbo.”

<sup>262</sup> Chize kachamuhonewesele ikiyeko. Mwomwoika? Ikiye atachikijile apwile wakuwavisa. “Uze Kalunga angulwilile kufuma kuliuze ndumba, uze Kalunga angulwile kufuma mujimbangi ja uze mulusu, Ikiye mwaya nakuhambakana, kungulwila kufuma kuli ou ka fwilishite. Ikiye Ejile. Nguli nakukuwana ove mu Lijina lya Mwata Kalunga ka Isalele.” Amena. Kalombele chikukma; ikiye apwile alombele lyehi. Kalunga amulombele lyehi ikiye shimbu kanda chikuku cha mavu. Ikiye apwilenga wakuwavishila ha mulimo kana. Ikiye atela kuhanjika nakuya kulutwe. Mukiko kaha chatela kulinga, kuhanjika kaha na kuya kulutwe. Mamalelo, mukiko kaha chatelele kupwa. Mamalelo! Ikiye kachilingile. . .

<sup>263</sup> Kuli vandumbwenyi va kuchikungulwilo chenye, vase vakakutoleka kwimana kuze, nawa, unatachikiza. Mamalelo, eyo. Vakiko vapwilenga vanemana kuze nakuhanjika, kutoleka na kumusekeleka, na kuhanjika ngwavo...Vandumbwenyi vamaunga, munatachikiza, kaha kuhanjika, “Ha, ha, ha, ove kaweshi kuhasako. Ove, ove kaha wakulivwimba.” Chize kachahashile kumunyikisa ikiye chipwe chindende. “Ove watondo kupwa wakuhandunuka kufuma kuli vathu veka. Ove unatondo kaha kulisolola.” Kachi chize chapwilenga kulisolola kaha, kaha nachipwa ngocho. Oloze vakiko vatalile kusali ya kutanga.

<sup>264</sup> Ndavichi atachikijile maji akuwavisa apwilenga hali ikiye. Amena. Kachanehele chihandwako kuli ikiye. Ikiye ambile ngwenyi, “Uze ka Fwilishite mwaya nakupwa nge uze mulusu na ndumba, shikaho yami owo Nangwiza.” Ikiye achipolofwetele lyehi shimbu kanda chisoloka. Chuma muka ikiye alingile? Ikiye ajihile uze mulusu. Ikiye ajihile uze ndumba. Ikiye avetele uze ndumba hamavu na...Chuma muka? Na—na malekenyi, kaha ambachile poko, kaha jino uze mulusu. Ndumba, ikiye ajihile uze ndumba na poko. Chize chinapu chuma chochimwe na kuli Ngolyate. Ikiye amuvetele hamavu



na lilolwa, kaha kukoka poko yenyi yamukwale, kaha kuvathula mutwe wenyi ivene, haze vene. Chuma muka ikiye apolofwetele shimbu kanda chize chisoloke? “Kaha ove muya nakupwa nge vakiko.” Mwomwoika? Ikiye ahanjikile lizu nge mukiko nachiya nakupwa, kaha jino kuya kulutwe nakupwa lyakuzalishiwa. Amena. Mamalelo, ndumbu! Ikiye ahanjikile, kaha ambachile uze ukalu likumbi lize.

<sup>265</sup> Kachi nge kwapwile lwola nge muthu atela kuhanjika, luno vene. Mukusoka, muminyutu yayindende kaha kachi kachi namunguvandamina muminyutu kaha. Ngukwechi vyuma vyavivulu ngwasoneka hano, Visoneka vimwe Ngwatondo kupwa nawo.

<sup>266</sup> Petulu kalilileko, omwo awanyine uze lunga apwilenga na lufwelelo lwakutamo lwakuyoya, nasavala kuchikolo vavuluka ngwavo Kuwaha. Ikiye katwamine hamavu na kupwa nakulomba ufuku wosena, na, mokomoko na kulomba likumbi lyosena, lyalinene, kulomba chakushimbula, kaha ambile ngwenyi, “Mwata, Ngwalombo Ove jino nge Ove uyenga nakukafwa ou chitonji. Ngunamono nge ikiye ali nalufwelelo. Ngunatachikiza ikiye apwa mukakufwelela. Kaha Ngunahulu ikiye, kaha ikiye—ikiye... Nguli—Nguli—Nguli... Ikiye ambile ngwenyi apwile na lufwelelo, ikiye mwaya nakufwelela chuma Ngwamulwekele ikiye. Kaha Ngwamulwekele ikiye hali chize... hali chuma muka Ove walingile, kaha Nguna—Nguna shinganyeka jino, Mwata, chize—chize... Unahase Ove kunguhana MUKIKO MWANAMBE MWATA hali ikiye?”

<sup>267</sup> Nduma, ikiye atachikijile nge ikiye apwile kapositolo wakuwavisa. Ikiye atachikijile nge Yesu Kulishitu amutumine ikiye: “Kuhindula vakakuviza, kusangula vafu, kutomesa vakambumba, kutapula va ndemone. Watapwile chawana, hana cheka chawana.” Ikiye ambile ngwenyi, “Petulu, yako ulinge chize!” Ikiye katondekele kulomako. Ikiye apwile wakutuma.

<sup>268</sup> Chuma muka ikiye ahanjikile? Ikiye ambile ngwenyi, “Mu Lijina Iya Yesu Kulishitu!” Ikiye ahanjikile mu Lijina Iya Yesu Kulishitu, kaha uze muthu hanga nasavalila haze. Kaha ikiye amuzundwile na livoko kaha ambile ngwenyi, “Imana hamahinji ove!” Kaha ikiye amukwachile haze vene vifuwa vya mutukukunya vyatambwile ngolo, kaha ikiye aputukile kutambuka. Mwomwoika? Ikiye apwile na kuliwana cha kulomba ufuku wosena ko. Ikiye kalilile kuli Kalunga ko. Ikiye atachikijile muchano, kufuma kumivumbo ya Yesu Kulishitu, ikiye apwilenga wa kuwavisa ha mulimo kana. Yaah. Ikiye ahanjikile na kumukatula, mwomwo ikiye atachikijile nge apwile kapositolo wakuwavisa ha mulimo kana.

<sup>269</sup> Va vathu vaze vapwile mumuvwimbimbi wenyi kavahanjikile ngwavo, “Mamalelo, kapositolo Petulu, kaha tambakana hali etu, na kulomba kulomba cha lufwelelo hali

eytu, na kuli Kalunga.” Nduma, nduma, vakiko kavahanjikile ngochoko. Vakiko vatachikijile nge apwile wakuwavisa kaha kapositolo wakwinjikiza kuli Kalunga. Shikaho vakiko vambile ngwavo, “Echa kaha etu tusavale mumuvwimbimbi wenyi. Ove kanda muhanjika na lizu ko. Etu tunatachikiza echi. Etu tunafwelela echi.” Chiyoyelo mukachi kavo! Uze kapositolo kahashile numba kuya kulivakiko. Kaha vakiko, vavene, vakiko vapwilenga chihanda cha chize.

<sup>270</sup> Mose ambile ngwenyi, “Keshi nge yami kahako nguli nakuya. Etu tuli nakuya.” Etu vosena tukwechi chuma chimwe chakulinga. Etu twatela kupwa tuvosena vakuwavisa.

<sup>271</sup> Kaha vakiko vamwene uze kapositolo nemana kuze, kaha vamwene ikiye kuka uze lunga wakuviza kaha kulinga vyuma vize ikiye alingile. Vakiko vatachikijile nge keshi kuhasa kwiza kuli vakikoko. Ngwavo, vakiko kavambile ngwavo, “Petulu, twaya na—na nakutulombelela, kaha vandamina jino palanga ove unatambula MUKIKO MWANAMBE MWATA, na kwiza nakungulweka. Talenu omwo Mwata ahanjikile.” Vakiko vambile ngwavo, “Kachi etu natuhasa kaha kusavala mumuvwimbimbi, mwomwo uze vene Kalunga apwile muli Yesu Kulishitu ali muli ikiye, kaha etu tuli nakumona chuma chochimwe kulingika. Shikaho vakiko vakwachile kuzombo ya chikuto cha Yesu’ na kusavala mumuvwimbimbi Wenyi, kaha Yesu muli ou muthu. Kachi uze muvwimbimbi unahase kusolola etu, etu natuya nakupwa vakuyoya.”

<sup>272</sup> Kaha eyi Mbimbiliya ngwayo vosena muli vakiko vahindikile. Nduma kulomba chaufuku wosena, kuhanjika, “Mwata, kachi Nanguya nakusavala muze mumuvwimbimbi wa ou kapositolo?” Nduma, vakiko vatachikijile chize. Chize Kumunyika chavakwachile vakiko. Michima yavo yapwile yakuzala mbe. Lufwelelo lwavo valukasunwine. Amena. Vakiko vafwelelele chize. Vakiko vachimwene chize. Paulu na malesu, mujila yoyimwe.

Jino, mukusoka.

<sup>273</sup> Yesu kalilile ko omwo vakiko vanehele kanyike wakuzaluka kuli Ikiye, nge apwile nakutunya, kuholokela na mukahya. Ikiye kahanjikile ngwenyi, “Tata, Ngu Mwan Ove, kaha jino Ove wangutumine Yami hano kulinga *munganji mukananga, na munganji*. Kutala Ngukenga ou kanyike walunga?” Ikiye kahanjikile ngwenyi. Ikiye ambile ngwenyi, “Lovoka muli ikiye, Satana!” Ikiye ahanjikile, kaha uze kanyike walunga ayoyele.

<sup>274</sup> Omwo Ikiye aliwanyine na uze Liyongomena, na vandemone sauzande muli ikiye, keshi Yesu ikiye alilileko. Apwile vandemone vapwile nakulila, “Kachi Ove muya nakututapula,” mamaah, yami, “twitavile etu tuyenga muutanga wa va ngulu.”

<sup>275</sup> Yesu kambile ngwenyi, “Jino, Tata, yami Ngwatela kuli echi?” Ikiye ambile ngwenyi, “Lovokamo muli ikiye,” kaha va

ndemone vatukile. Pundu, Ikiye atachikijile Ikiye apwilenga Meshiya.

<sup>276</sup> Kuze kumafuka a Lazalu, ikiye apwilenga wakufwa lyehi makumbi awana. Vakiko vambile ngwavo, “Kachi Ove wapwanga kuno, Mwata, ikiye keshi kafwileko.”

<sup>277</sup> Ikiye ambile ngwenyi, “Yami kusanguka na Kuyoya.” Amena! Keshi nge kulihi, lwola muka, mokomoko ngachilihi. “Wosena mwangufwela Yami, chipwe ikiye mwafwa, oloze ikiye mwakayoya.” Amena. Ikiye atachikijile nge Ikiye apwile Hiya. Ikiye atachikijile chuma muka Ikiye apwilenga. Ikiye atachikijile nge Ikiye apwile Emanuwele. Ikiye atachikijile nge Ikiye apwilenga kusanguka. Ikiye atachikijile nge Ikiye apwilenga Kuyoya. Ikiye atachikijile nge muli Ikiye mwatwama kuzalilila cha Ukalunga mumujimba. Ikiye amwene vaze vathu vavandende kuze, kaha Ikiye amwene chuma Kalunga amulwekele Ikiye kulinga, kaha kuze Ikiye apwilenga. Ikiye ayile kuze.

<sup>278</sup> Ikiye kambile ngwenyi, “Jino, vandamina, Nanguya nakuhaka mambuli hamavu. Mambuli osena hamavu nakulomba.” Ikiye ambile ngwenyi, “Ove wafwelela chize Nguli wakutelamo kuli echi?” Amena. Ikiye achihulile chize.

<sup>279</sup> Kapwilenga Ikiyeko; chapwilenga vakiko. “Yaah, Mwata, Ngwafwelela nge Ove wapwa Mwana Kalunga uze atela kwiza muno mukaye.” Mamaah, yami! Haze Ikiye kulisolola. Chumachimwe chatela kusoloka.

<sup>280</sup> “Lazalu, lovokamo!” Ikiye ahanjikile, kaha muthu wakufwa kulovokamo. Keshi, “kutala Nanguhasa?” Ikiye ahanjikile kaha. Omwo lufwelelo lwaliwanyine, chuma chochimwe chasolokele.

<sup>281</sup> Ikiye ahanjikile, Ikiye kuhanjika, kaha kapuputa kumona, chitonji kutambuka, kajika matwitwi kwivwa, vandemone kutetumuka na kulovoka, vafu vapwile nakusanguka, vyuma vyosena. Mwomwoika? Ikiye kalombeleko. Ikiye apwilenga Meshiya wakuwavisa. Ikiye apwilenga uze Meshiya. Ikiye atachikijile nge apwilenga Ikiye vene. Ikiye atachikijile chihela Chenyi. Ikiye tachikijile chuma muka Ikiye vamutuminyine kulinga. Ikiye atachikijile nge Tata namusolola Ikiye kupwa Meshiya, kuli vakakufwelela. Kaha omwo Ikiye aliwanyine na uze mukakufwelelana lufwelelo, Ikiye ahanjikile kaha Lizu. Vandemone kulimwanga. Eyo, mwane. “Hanjika! Kanda kulilako. Hanjika!” Amena.

<sup>282</sup> Kaha Ikiye atachikijile lisesa Lyenyi lya kumuhana kuli Kalunga, oloze etu katwejiva ngochoko. Ikiye atachikijile apwilenga Hiya. Etu katwejivako.

<sup>283</sup> Mose avulyamine. Samasone evwushishile. Veka vevwushishile. Yoshiwa evwushishile. Mose avulyamine. Kalunga amwanukishile. Ikiye ambile ngwenyi, “Mwomwoika ove uli nakulilala kuli Yami? Ngwakutumine kuzata mulimo kana.

Hanjika, kaha yako mwaya punga yove. Ngwakulwekele ove kwiza kuli ino pili. Mbata vana na kuvatwaminyina. Hanjika kaha. Kangwalizakaminako chuma muka chili mujila yove, chifumisemo mujila yove. Ngunakuhane lisesa lya kulinga echi. Ngunahanjika... Ove wahanjikile vajiji na va mbwangala, na kutenga, kaha vyuma nge ngachize. Jino chuma muka uli nakutambakana kuli Yami hali echi? Mwomwoika ove uli nakwijila kuli Yami, kutambakana vyuma kana? Hanjika kaha na kutala chize kutambuka, mukiko kaha.” Mamaah, yami! Mamalelo, omwo Ngwazanga echi!

<sup>284</sup> Hano, Yesu, vyuma vyosena Ikiye ahanjikile, Ikiye ahanjikile kaha Lizu, kaha chapwilenga ngocho. Kalunga chikupu amwinjikijile Ikiye kupwa Mwa Nenyi. “Ou Ikiye Mwanami Ngwazanga muli Ikiye ngwevwila kuwaha. Mwivwulilenu Ikiye.”

<sup>285</sup> Tala Ikiye. Ngwazanga echi. Omu mukuhamuka, omwo nakutunjangila Ikiye emanyine kumeso ava kumutoleka Ikiye. Amena. Ikiye ambile ngwenyi, “Enyekenu eyi tembele, kaha Nanguya nakulomba Tata kaha talenu chuma Ikiye mwaya nakulunga”? “Enyekenu eyi tembele, kaha Nanguya nakuyimika cheka, mumakumbi atatu.” Keshi, “Ngwatalilila ku; Nanguya nakweseka ku.” “Nanguya nakuchilinga!” Mwomwoika? Echi Chisoneka chanjika ngocho.

<sup>286</sup> Chize Chisoneka chochimwe chize chahanjikile Ikiye mwakaya nakusangula mujimba Wenyi, chikiko chinatuhane lisesa, na Ngolo. Amena! “Mu Lijina Lyami vakiko navakatapula vandemone, vakiko navakaya nakuhanjika na malimi amahya; kachi vakiko navakakwata manoka, mokomoko kunwa chuma chakufwa, cheshi kukavalemekako; kachi nge navakanangika mavoko avo hali vakakuviza, navakayoya.”

“Mwomwoika uli nakulila kuli Yami? Hanjika, kaha yako kulutwe.” Mamalelo, kuhamuka kana Nguli. . .

“Enyekenu eyi tembele, nanguya nakuyimika cheka.” Mamalelo!

<sup>287</sup> Kaha anuka jino (Etu tuli nakuya nakusoka.), apwile youmwe Ikiye. Chapwile Ikiye uze ahanjikile, mu Yowano 14:12, uze. . . “Wosena mwafwelela hali Yami, milimo Ngweji kulinga na ikiye nawa mwakayilinga.” Echi chakwoloka? Apwilenga Ikiye uze ahanjikile ngachize.

<sup>288</sup> Apwilenga Yesu, mu Mako 11:24, ahanjikile ngwenyi, “Kachi ove *nauhanjika* kuli eyi pili,” keshi, “Kachi ove *mulomba* kuli eyi pili.” “Kachi ove nauhanjika kuli eyi pili, ‘Tutuluka,’ kaha kukasana mumuchima wove chiku, oloze kufwelela nge chuma unahanjika nachiya nakusoloka, naukaya nakupwa na vyosena unahanjika.” Jino ove, kachi ove muhanjika nge kuhanjika kaha, kacheshi kuhasa kusolokako. Oloze kachi chumachimwe muli ove, chili ove kupwa—ove kupwa wakuwavisa ha mulimo,

kaha navakatachikiza nge yinapu punga ya Kalunga kulinga chize, kaha navaya nakuhanjika, echi chili nakusoloka. “Kachi ove. . .”

<sup>289</sup> Chize chapwilenga Ikiye ahanjikile muze. “Kachi enu namupwa muli Yami, kaha Mazu Ami kupwa muli enu, kalombenu kala chuma munatondo kaha navakamilingilacho.” Mamaah, yami! Mamaah, yami! Mwamono omwo Ngwatwale?

<sup>290</sup> Ngukonekelenu echi, oloze chapwile nakwiza kuli yami. Ngwatela kuhanjika echi. Apwile Ikiye ahanjikile, lize likumbi kuze, mukachi kamusenge, “Ove kaweshi na kuhemako.” Kaha Ikiye atengele mihale vatatu kwimana kumeso etu. Chuma muka echi? Kuhanjika kaha lizu, kuhanjika, “Vakiko navaya nakupwa kuze, kaha kuze, kaha kuze,” kaha vakiko vapwilenga. Apwilenga Ikiye alingile chize.

<sup>291</sup> Charlie, Rodney, Apwilenga Ikiye kuze ku Kentucky; kaha Nellie, Margie, kaha nenu vakwavo. Apwilenga Ikiye, Kalunga youmwe uze apwilenga kunyima kuze na kuhanjika kuli Mose, ngwenyi, “Mwomwoika ove uli nakulila kuli Yami? Hanjika lizu!” Apwilenga Ikiye avanehele vapwengako. Apwilenga Ikiye. Apwile Ikiye. Mamaah, yami!

<sup>292</sup> Apwilenga Ikiye uze hanyine chize chimweno kunyima ya mwaka unahichi, uze ahanjikile etu natuya nakuzauka, kaha Tutachikijilo twa Seveni, kaha omu navaya nakupwa na—na—na—na mukalateta waunene uze nauputuka, kaha vakiko navaya nakupwa muchifwanyisa cha chisete. Kaha muze mu *Look mag-*. . . *Life* mangajinyi uli nachize, kusukama haze hambango. Apwile Ikiye uze ahanjikile.

<sup>293</sup> Apwile Ikiye, uze ufuku omwo Ngwapwilenga nakuya nakushikumuka mujila kumona linoka wamunene ha kupwa na ndumbu walunga. Kaha Ikiye ambile ngwenyi, “Ove unahane. . . kuvahana Ngolo jakumukasa ikiye, mokomoko kala hali vosena.” Apwilenga Ikiye ahanjikile chize.

<sup>294</sup> Kuli pwevo lyami wamundende na mutwe wajivwi natwame kuze: Apwile Ikiye chimene chize, chize changuhindwile muze mukapete, kaha kwimana mumbango, ambile ngwenyi, “Kanda kwivwa womako kulinga kala chumachimweko, mokomoko yako kwosena, mokomoko kuhanjika kala chuma, ha Kupwa cha Yesu Kulishitu chakuhona kuholoka chili na enu kwosena ove naukaya.”

<sup>295</sup> Apwile Ikiye kuze ku Sabino Canyon, pamo mutukweji vatatu, omwo Ngwapwile nakulomba, kushinganyeka chuma muka nachiya nakusoloka. Ngwapwile ngunemana kuze, kaha poko yauvela kuvali mulivoko lyami, kaha ambile ngwenyi, “Eyi ikiko Poko ya Mwangana.” Apwilenga Ikiye.

<sup>296</sup> Apwilenga Ikiye uze ahanjikile kuli yami, “Nge muze Ngwapwilenga na Mose, mukiko Nangutuma ove.”

297 Apwilenga Ikiye uze ahanjikile kuli yami, mwahichi myaka seti, kuze kukalwiji, nge kanyike walunga. Kwimana kuze nge mukakunangula wamundende, kuze kukalwiji, mwahichi myaka seti, kwimana kuze omwo chize Kumunyika, ize Panda ya mulangi wa Kakahya, kwiza nakusuluka kufuma mwilu na kwimana kuze, kaha yambile ngwayo, “Nge omu Ngwamutumine Yowano Mukakujimika kulivanga kulutwe lwa kwiza chatete cha Kulishitu, nove Mujimbu wove naukaya kulivanga mu Kwiza cha Muchivali,” ku kaye kwosena. Nachipwa ngachilihi, omwo kafunga kami asehele na kusekeleka? Oloze chasolokele muze vene kaha. Apwile Ikiye ahanjikile. Eyo, mwane!

298 Mamalelo, omwo chapwile Ikiye uze ahanjikile mu upolofweto, ku chimweno, “Nachikaya nakusoloka.” Apwile Ikiye uze ahanjikile, “Kachi umwe ha maupolofweto, mokomoko kumona chimweno, na kulweka, kaha chejile nakusoloka, kahjino anuka kapwile keshi ikiyeko, anapu Yami. Nguli na ikiye.” Mamaah, yami! Chuma muka Nangutwalilaho, kaha kuhanjika nge Ikiye, nge Ikiye, nge Ikiye!

299 Apwilenga Ikiye uze asulukile hamavu, omwo Ngwawalwezele ize Panda ya mulangi wa Kakahya yapwilenga kuze kukalwiji, kaha vakiko kavahashile kufwelela chizeko. Apwilenga Ikiye kuze mukachi kavo, omwo uze mukakunangula wamu Mbaputishiti, kumeso avathu seti sauzande ufuku uze, mu Sam Houston Coliseum, omwo Kangelo ka Mwata etavijile chifwanyisa Chenyi kuchimbata, kwimana haze. Apwilenga Ikiye, youmwe zau, lelo, na hayamyaka.

300 Apwilenga Ikiye uze ahanjikile vize vyuma kana vili kulihi. Apwilenga Ikiye uze ahanjikile echi. Apwilenga Ikiye alingile vyuma kana. Ikiye youmwe zau, lelo, na hayamyaka. Ikiye alingile vyuma vyosena muzevene nge omu Ikiye ahanjikile Ikiye kuya nakuchilinga. Amena.

301 Mwomwoika Nanguyila nakuvandamina? Kalunga nenjikiza eli Lizu. Kupwa Muchano. Echa tuyenunga. Echa tutambukenu. Echa tuyenga nakutambuka cha Mwata, kutulika kusali kukakasana chosena, jishili josena. Tomesa zuvo, kosesamo chikuma.

302 Kupwa nge na chimweno cha Junior Jackson ambile ngwenyi, kakweshi chuma cheka chinasaleko shina manongo kaha; mokomokokulota chenyi, kachi ikiye natwame haze. Kakweshi chinasaleko shina manongo kaha, kaha akiko apwilenga na muhya wa ulu jingulwishi, muze mu chilota chize angulwekanga na ufuku ukwavo. Mamaah, yami!

303 Ndumbu walunga Collins, kanda kulizakaminako hali uze ishi. Apwilenga utoma. Ove wahonene kaha kutachikiza mwakumukwachila.

<sup>304</sup> Tulika kusali vyuma vyosena vya kulimbalaka kuli Echi. Anuka, ou ukiko Muchano, chipwethuhu chisoloke kupwa Nge chauleya, na vyuma vyosena nawa, lwolalumwe. Tambuka lika Nacho. Chinapu Shipilitu Wajila. Uze Kalunga youmwe asangwile Yesu Kulishitu kufuma mu vafu, uze Youmwe ahashile kuhanjika vyuma vipwengako, uze Umwe uze ayoyele mumakumbi a Mose, ikiye youmwe na lelo.

<sup>305</sup> Kusanyika chenyi mulikumbi lya makumishilo, Ikiye apwile wakwinjikiza. “Nge muze chapwile mumakumbi a Satome, shikaho mukiko nachikapwa na kwiza cha Mwana muthu.” Ikiye akumishile. . . Kuli Satome kuze. Kuli Billy Graham na Oral Roberts kuze. Kaha Liuka lilinakutambuka, ha vinjikizo vyovimwe vize Ikiye ashikile, kuvihela vyosena vivali, kaha vakiko vase. Apwilenga Ikiye uze ahanjikilenga.

<sup>306</sup> Ove Mwata, nguhanenu kumika, chikiko kulomba chami. Ngukafwe, Ove Mwata Kalunga.

Ngwatela kwechela hano. Kunakuya nakutoka.

<sup>307</sup> “Mwomwoika naulilila kuli Yami? Mwomwoika ove uli nakulilila kuli Yami, ohonyi Ngunachinjikiza kuli enu? Kumana Kangwahindwile vakakuviza jenuko,” Ikiye ahanjikile. “Kumana Kangwamilwezele vyuma kaha hinavisolokako mwamuzevene? Pashita yenu keshi kuhasa kulinga chizeko. Yami! Ikiye keshi kuhasako; ikiye muthu. Ngwapwile Yami, Mwata,” muze mukiko Ikiye nahase kuhanjika. “Yami uze Umwe alingile chize. Yami Umwe amulwezele ikiye vyuma kana vya kuhanjika. Keshi ikiyeko. Lyapwilenga Lizu Lyami. Yami uze Umwe uze asangwile vafu jenu omwo vakiko vaholokele hamavu. Yami uze Umwe uze ahindwilenga vakakuviza. Yami uze Umwe apwile nakwambulula vyuma kana. Yami uze Umwe uze azachilenga mulimo wakulwila. Yami uze Umwe uze ahanyine lushiko.”

<sup>308</sup> Kalunga, nguhane kumika akumbata eyi Poko yauvela kuvali ya Lizu lize Ikiye ahakile mulivoko lyami pamo mwahichi myaka seti seli kuyima, kaha kwachilila kuli Chize na kutambuka nakuya kulutwe mu Kukoka cha Muchitatu, chikiko kulomba chami.

Echa tunongamenu mitwe yetu.

<sup>309</sup> Tata wa Mwilu, ola ili nakuya mukukotokela, oloze eli Lizu lili nakupwa lyamwaza. Nge omu etu tulinakumona echi, Mwata, lwola ha lwola, Kupwa cha Kulishitu kachahonako lwola lwosena kuliwana netu. Omwo Ngwasakwilila Enu ha kuwaha Chenu! Omu Ove unatulame etu nakupwa. . . kaha kutukisula etu, omu etu twasakwilila Ove hali echi!

<sup>310</sup> Shimbu Ngunakwate awa malesu mulivoko lyami, Mwata, vathu vakiko valinalufwelelo, vafwelela Echi. Echa kala ndemone, kala kuviza chifume hali vathu. Kaha Ngunatenukila kala shipilitu ili muno, ili nakuneha ukalu, kaha kayeshi ya

Kalunga ko, kala shipilitu ya kukola, misongo na kuyanjisa chosena. Etu tuli keshi nakusavala mumuvwimbimbi wa muthu, chinahase kupwa chakwoloka, oloze etu tuli mumuvwimbimbi wa Mujimbu wamwaza, Mujimbu wamwaza wakwinjikiza.

<sup>311</sup> Nge Panda ya mulangi wa Kakahya yayinene kutambuka nakuhitangana kunyima na kulutwe kuhita muli ino zuvo, youmwe uze Umwe uze Kalunga atalile hano hamavu nakuhita, kaha Kalungalwiji Uchila alisuwile, kaha Isalele yahichile. Oloze jino nge omu Ikiye nasoloka, wakusapwile na Manyinga a Ivane Mwa Nenyi, na keke na likoji. Echa etu tupwenga vakwononoka. Echa etu lelo twechenga kuhanjika, kutetumuka. Echa etu tutachikize nge Ove unamusanyikila hali ou mulimo. Eyi ikiko ola. Ngulinakuhanjika echi mu Lijina Iya Yesu Kulishitu, echa kala kuviza kufuma hali chino chihela.

<sup>312</sup> Echa kala muthu na pwevo, uze alinakusanyika ha Lijina Iya Yesu Kulishitu, kulijilika cheka chiyoyelo mwamuhya lelo. Nguli nakulijilika amilyavene, Mwata, hali uno kamenga wakulombela. Ngunalishikumuka amilyavene hamavu, kaha kulivwisa sonyi amilyavene na kwalumuna mutwe wami kutalisa hamavu kuze Ove wangufumishile. Mwata Kalunga, Nguli na sonyi ha kuseya na kuhona kufwelela chami. Ngukonekele, Mwata. Nguhane kumika. Tuhane tuvosenana kumika.

<sup>313</sup> Nguli nakwivwa, nge Mose, etu tuli vosenana ha jila yakulovoka. Etu katwazangile kuseza umweko. Etu twatondo kumbata wosenana, Mwata. Vakiko vanapu Vove. Ngunavatondo vakiko kufuma kuli Ove. Kisula ava vathu lelo, Mwata. Tuhanecho echi. Kaha kisula na yami, na vakiko, Tata, kaha Lijina Lyove nalikapwa Iya kwalisa. Upahu wove naukapwa Vove. Tuhane elu lufwelelo Iwa Hayamyaka, Mwata, shimbu omu tuli nakulikujika etu vavene kuli Ove jino.

<sup>314</sup> Yami, mu Mbimbiliya na kwimana, Nangukuhana Ove chiyoyelo chami, Mwata. Ngunakundamina ha kala lushiko luze Ove wakahanyina. Nangutachikiza nge vakiko navaya nakupwa wakwinjikiza. Ngunatachikiza nge ou ukiko Muchano. Nguhane kumika cha kuhanjika Mazu kana. Nguhane kumika, Mwata. Ngutetekele muli vize Ngwatela kulinga nakuhanjika. Ngunalihane amilyavene kuli Ove, na liuka, hamwe naechi, Mwata, mu Lijina Iya Yesu Kulishitu. Amena.

Lufwelelo lwami . . . chili kuli Ove,  
 Ove Mukoko wa Kukavali,  
 Mulwilo wa Ukalunga;  
 Jino ngwivwulile yami shimbu na Ngulomba,  
 Mbata na kufumisa jishili jami josena,  
 Mamalelo, echa yami kufuma kulikumbi Iya  
 lelo  
 Kupwa kaha Wove!



315 Jino echa etu twimanenu, washi washi, nge omu tuli nakungunguta. [Ndumbu walunga Branham na chikungulwilo kuputuka kungunguta, *Lufwelelo Lwami Lunatale Kwilu Kuli Ove*—Muka.]

. . . kuli Ove,  
Ove mwana Mukoko . . .

Echa kaha twimike mavoko etu kuli Ikiye jino.

Ove Mulwilo . . .

Lijilikenu enu vavene kuli Kalunga jino.

Jino ngwivwulile yami shimbu na Ngulomba,  
Mbata na kufumisa kukakasana chami  
chosena,  
Mamalelo, echa yami kufuma kulikumbi lya  
lelo  
Kupwa kaha Wove!

316 Jino hamwe, na mavoko etu helu. [Chikungulwilo kuhituluka mukulomba, hanyima ya Ndumbu walunga Branham—Muka.] Mwata Yesu, Nguli jino nakulijilika amilyavene kuli Ove, chiyoyelo chakuzata, kupwa chitoma, kupwa nalufwelelo chikuma, Ngwalili, nge Nguhase kupwa Ngamba wakwitavila muchiyoyelo chami, kuhambakana omu Ngunapunga muchiyoyelo chize chakunyima. Ngukonekele kuzeneka kufwelela chami, kaha kindulwisa Lufwelelo luze mwahanyine kamwe kunahu kuli vakakujila. Ngunalihane amilyavene kuli Ove, mu Lijina lya Yesu Kulishitu.

317 Jino shimbu tunanongama mitwe yetu.

Shimbu chiyoyelo chili mumilima omu  
Ngunemena,  
Kaha kunyengetela chinangujinguluka yami,  
Pwako Ove twamina Yami;  
Lingisa milima kupwa musana,  
Kosa na kufumisa woma wami wosena,  
Nge chiku yami na nguhungumuka  
Kufuma kusali Yove.

318 Shimbu etu tunanongama mitwe yetu jino. Ove uli nakwivwa nge mujimbu wamuchimene unalingi ove mwamwaza? Kukuhana ove kumika? Kachi ove unahase, katula mavoko ove kuli Kalunga, hanjika, “Kalunga, Ngwakusakwilila Ove.” Ngukwechi mavoko osena helu, mwomwo Ngunevu nge ngachize—ngachize ngukafwe yami. Echi nachinguhana kumika.

319 Vyuma vimwe Ngwahanjikanga, Ngwahonenenga kushinganyeka Nguli nakuya nakuhanjika chize, oloze chinahanjikiwa lyehi. Chize chapwile kutenuka kuli yami. Ngunawane amilyavene keshi mujila ize Ngwashinganyekele

Ngulinge ko, oloze Ngunawane amilyavene kupwa wakupaisa ha kulila lwola lwosena, kachi nguhanjike.

<sup>320</sup> Kalunga, ngukafwe, kufuma muli ino ola nakutwalilaho, kachi Nguyenga nakupwa ngamba wakujilikiwa.

<sup>321</sup> Keshi yami kahako Nguli nakulomba hali echi. Ngwalombelela ove, nawa, nge, hamwe, nge Mujimba wa Kulishitu, wakusanyikiwa kufuma mu kaye, kupwa wakulizanga ku Lifuchi lya lushiko, nge Kalunga mwaya nakunguhana kumika cha kuhanjika mujila kana, kutunga nakutomesa jila ize enu kamweshi kuhona kulandula. Nanguya nakumilweka, ha likoji lya Kalunga, Nanguya nakukavangiza mujingano ja Manyinga ja Ikiye Uze alivangile kulutwe lwetu.

Kaha eyi kulusu yakulijilika Nanguya  
nakuyimbata,  
Palanga na kukufwa chikangukasunune,  
Kaha jino kuya Kwimbo, nakuwala  
muchama,  
Kuze kuli muchama wami.

<sup>322</sup> Etu tuli nakuhana echi kuli Ove, Tata, kufwila chetu, mu Lijina lya Yesu Kulishitu, Mwa Nove. Amena.

<sup>323</sup> [Ndumbu umwe aputukile kuhanjika mu lilimi lyeka. Hatepu hapimbi—Muka.]

<sup>324</sup> Etu twasakwilila Mwata hali echi. Kutambuka na chiyoyelo chakujila. Lihane ove lyavene kuze, kukuyema, kukulikehesa. Tambuka mu Shipilitu. Tambuka, hanjika, vwala, linga nge Vakakulishitu, kulinyisa nakuyema. Kanda kwecha echi chihoneko jino. Eli Lizu lya Kalunga kuhanjika kuhichila mu Lizu, kuhanjika kuhichila mumawana. Nge omu wana umwe omu weji kwizanga, hali umwe namukwavo kulisolola, wana ukwavo kwiza na kulisolola chuma chochimwe. Talenu, chize chinoloka na eli Lizu kaha kwoloka na ola kana. Kalunga ali naetu. Omwo etu twasakwilila Ikiye hali echi! Jino kachi etu. . .

<sup>325</sup> Na mitwe yetu yakunongama, kachi ndumbwetu wapwevo mwaya nakuhanako mwakwimbila:

Mbata Lijina lya Yesu na yove,  
Nge lukepwe kufuma ku kala muheto;  
Kaha omwo vyeseko navikujinguluka na  
kukukunguluka,  
Hwima kaha lize Lijina lyajila mukulomba.

<sup>326</sup> Pwako kaha—pwaho kaha nakulinga chize, hanjika eli Lizu, hanjika Lijina Lyenyi. Echa twimbenu jino shimbu etu—shimbu etu natulimwanga.

Mbata Lijina lya Yesu na yove,  
Kupwa lukepwe. . . na kusauka;  
Echi nachikuhana kuwahilila na kuvendejeka,  
Mamalelo, limbate kwosena okwo ove muya.

Lijina lya Mwaza . . .

<sup>327</sup> Jino echa tulimeneke umwe namukwavo mumavoko, nakuhanjika, “Nanguya nakukulombelelako, ndumbu walunga, kaha ove lombelela yami.”

. . . Melu;

Lijina lya Mwaza, Lijina lya mwaza, Mamalelo omwo lyayema!


Kutalila chaha mavu na kuwahilila . . .

<sup>328</sup> Jino na mitwe yetu yakunongama, echa twimbenu vasi ikwavo.

Mbata Lijina lya Yesu na yove,  
Kupwa nge lukepwe kufuma kukala muheto;  
Omwo vyeseke navijinguluka  
nakukukunguluka,  
Hwima eli Lijina lya jila mukulomba.

Lijina lya Mwaza, Lijina lya mwaza; Mamalelo omwo lyayema! Mamalelo omwo lyayema!  
Lutalililo lwa mavu na kuwahilila cha Mwilu;  
Lijina lya Mwaza, Mamalelo omwo lyayema!  
Lutalililo lwa mavu na kuwahilila cha Mwilu.

<sup>329</sup> Na mitwe yetu yakunongama jino, na michima yetu yosena, na kutachikiza nge Yesu ambile ngwenyi, “Wosena mwafwelela Mazu Ami na kufwelela hali Ikiye uze angutumine Yami, ali na Kuyoya cha hayamyaka kaha keshi kaya nakwiza nakwimana Kukusopesa ko, oloze nafumu mukufwa nakwingila mu Kuyoya.” Kutachikiza nge etu, ha likoji lya Kalunga, twaheta echi mukachi katulo jetu; na kulijilika kuli Ikiye chino chimene, nge viyoyelo vyetu navikaya nakwalumuka, kufuma mulikumbi lyalelo nakutwalilaho, nge natuya nakupwa vakukunyuka mukushinaganyeka chetu. Etu natuya nakweseka kuyoya mujila yiyema nakulikehesa, nge, kufwelela nge chuma natumulomba Kalunga, Kalunga mwaya nakutuhana nacho kuli etu vosena. Kaha etu katweshi kuya nakuhanjika mwamupi hali umwe namukwavoko, mokomoko kala muthu. Etu natukalombelela vakakole jetu na kuvazanga, nakulinga mwaza kuli vakiko vase veji kulinganga mwamupi kuli etu. Kalunga napu Mukakusopesa hiya wakwoloka na hiya wakuhenga. Na . . .

<sup>330</sup> Ha chikuku cha echi, na mitwe yetu yakunongama, Nguli nakuya nakusanyika sepa lyetu wamwaza, Ndumbu walunga Lee Vayle, kachi ikiye mwaza nakumwanga eli liyongomena na lizu lya kulomba. Ndumbu walunga Vayle. 

*MWOMWOIKA ULI NAKUTETELA? HANJIKA! LVE63-0714M*  
(Why Cry? Speak!)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kuhuhu 14, 1963, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)